


金石萃編


百卅四之五




| | | | |
|--|--|------|-----|
| | | | 漢書門 |
| | | 二四七三 | 類 |
| | | 一三七三 | 號 |
| | | 六三 | 函 |
| | | 六三 | 架 |
| | | 六三 | 冊 |

| | | | |
|------|--|------|---|
| 內閣文庫 | | | |
| | | 漢書 | |
| | | 二四七三 | 類 |
| | | 一三七三 | 號 |
| | | 六三 | 函 |
| | | 六三 | 架 |
| | | 六三 | 冊 |

| | |
|------|---------|
| 內閣文庫 | |
| 番號 | 漢 2473 |
| 冊數 | 63(54) |
| 函號 | 297 110 |





金石萃編卷一百三十四

賜進士出身 誥授光祿大夫刑部右侍郎加七級王昶謨



宋十二

重修北嶽廟記

碑高一丈二尺一寸廣六尺二寸六分二
十二行行四十六字正書篆額在曲陽縣

宋重修北嶽廟記

推誠保德功臣資政殿大學士光祿大夫行給事中
充定州路都部署兼安撫使兼知定州軍州事及管
內制置營田勸農使上柱國南陽郡開國公食邑二
千戶食實封肆伯戶韓琦撰并書



朝奉郎太常博士通判定州軍州兼制置營田及管
內勸農事上騎都尉借緋錢貽範篆額

天下之嶽五獨北之常方人目爲大茂山而嶽名不著
嶽有祠不知廢于何代今廟于曲陽縣之西附城距嶽
百餘里考有唐以來記刻皆不載廢遷之由故非質于
圖志人或不知嶽之所在焉於禮祀莫大于天地而五
嶽次之古者天口壇以祀四望若時巡至其所旣柴然
後秩而望祀之廟而祭焉非古也其後世之文乎然則
爲之者誠有意焉耳夫嶽然而石坳然而谷泉焉而衆
派別林焉而萬幹擢嶽之形也倏霽忽冥伏珍見祥喜

焉而風雨時怒焉而雷電發嶽之神也人狎其形而易
之也薪于是畋于是安知其所以爲神哉君人者患民
之不知也於是廟而像之以警民之耳目致其嚴奉之
心使違禍而趨福雖文于古其於教也固明明矣若其
視祭之品則三代以降皆以公有唐以王 我朝
撫有天下馴致太平 真宗皇帝紹 祖宗之
隆以建皇極封泰山祀后土曠絕之禮無所不講由是
尊五嶽而帝之復以安天禱聖之號表于 我神懼
世人之未詳也又 製奉神述以明之蓋愛民之
意深則報神之禮重斯誠也雖萬世可知矣故廟宮之

制崇飭宏大惟禮之稱著于定令以時繕修歷季既長
吏職廢忽日風月雨以圯以漏功大費廣久焉不葺每
歲立冬而天子以所署祝冊就遣守臣以祇祀事
至則羅其籩豆洗酌之具與執事者升降於頽簷壞廡
之間退而安然因以為恤慢神瀆禮莫斯為甚慶曆八
年夏六月琦獲領州事得居嶽鎮之下知廟之
未完也由市材弗給役徒弗充而民罹水災歲以大歎
凡厥用度弗敢為擾會有詔毀鄉民之擅為佛
祠者得取其材以濟之益兵暨工責成于邑吏而曠時
不集通判軍州事屯田員外郎游君開謹於其事願盡

力焉率其縣主簿李奕留廟所百餘日悅使其眾而已
焉弗懈於是敝陋朽撓之迹煥然一新又於其庭起土
民薦獻之宇俾勿褻于神而神益以尊

彩繪塗墍罔不精極宜神之喜胥嚮來宅皇祐

元季冬十月九日以訖功來告僚屬請以鄙文志于廟
石而弗克讓夫吏之為政也有善惡焉神之為監也有
禍福焉善焉而以福惡焉而以禍神理之宜也或反是
焉則非人之所知矣守臣當謹天子之命而治

神之居絜神之祀修己以愛其民人唯

神之所以禍福而已謹記

皇祐二季正月十九日立

常山郭慶諫刻字

碑陰

碑陰作三截書上十一行中九行下七行每行字數十至三十六不等又題名二其一韓跋左行並正書

皇祐元年冬十月九日重修

文以謹其事乃列將佐官屬名氏于石陰庶永後觀

文林郎守冀州武邑縣令管勾定州路安撫司機宜

文字陳薦

入內內侍省內侍高品真定府定州等路走馬承受

公事謝禹珪

西頭供奉官真定府定州等路走馬承受公事陳

有方

供備庫副使定州路駐泊兵馬都監趙滋

供備庫副使定州路駐泊兵馬都監張俱

西染院使資州刺史定州路駐泊兵馬鈐轄張忠

北作坊使綿州團練使內侍省內侍右班副都知定

州路駐泊兵馬鈐轄任守忠

侍衛親軍馬軍副都指揮使保大軍節度觀察留後

定州路駐泊馬步軍副都部署狄青

順安軍判官將仕郎試秘書省校書郎權節度推官

公事仇 公綽

莫州防禦推官將仕郎試秘書省校書郎權觀察推

官周 革

節度推官承奉郎試大理評事劉 循

將仕郎試秘書省校書郎權節度掌書記馬 良器

內殿崇班定州兵馬都監兼在城巡檢劉 斌

內殿崇班定州兵馬都監兼在城巡檢劉 宜孫

內殿崇班定州駐泊兵馬都監石 宗閔

朝奉郎太常博士通判定州軍州兼制置營田及管

內勸農事上騎都尉借緋錢 貽範

朝奉郎尚書屯田員外郎通判定州軍州兼制置營

田及管內勸農事騎都尉賜緋魚袋游 開

將仕郎守曲陽縣尉盧 至堅

將仕郎守曲陽縣主簿李 奕

左班殿直知曲陽縣事兼兵馬監押口 昭

文林郎守司法參軍房 士安

將仕郎守司戶參軍裴 士諤

登仕郎守司理參軍趙 諮

承奉郎守錄事參軍曹 盡忠

太常博士簽書節度判官廳公事徐瓘累謁

祠下元豐庚申秋八月晦題 男韶美侍行

安陽韓跂元豐六年仲冬知成德軍橐城縣得替已

嘗恭謁 祠下今復自祁之鼓城解官再遂瞻

拜連治二邑皆獲善罷者荷 陰佑之所賜也

元祐二年十一月二十七日

北嶽廟在曲陽中有一白石梁相傳云是舜時從嶽

飛至者因祀于此其說迂誕不可信然古樹遒竦有

二塑鬼奇甚皆千年外物碑刻亦稱是魏公所書全

法顏平原而時時露柳骨鋒距四出令人不可正視

公之受遺二世以身係輕重此亦可窺一斑矣舟州人

稿

按文獻通考慶歷八年詔置河北四路安撫以韓琦

王拱辰賈昌朝等充諸路使四路謂魏瀛鎮定四州

也定州置安撫蓋昉於此宋初節度使領馬步軍都

部署其後守臣帶一路安撫使者皆帶馬步軍都部

署故有帥臣之稱英宗以後避御名改為都總管宋

史職官志定州兼安撫使馬步軍都總管據後改名

書之也此碑結銜內已有制置之名而馬端臨謂安

撫帶制置自建炎三年浙西康允之始攷之似未審

矣潛研堂金石文跋尾

按此碑皇祐二年韓琦知定州重修北嶽廟工竣而撰書刻石以紀也史傳琦字稚圭相州安陽人累以資政殿學士知揚州徙鄆州成德軍定州兼安撫使進大學士碑系銜有行給事中爲傳所略皇朝事實類苑載魏公嘗作闕古堂自爲記刻于石後人又畫魏公像於堂上此亦其知定州時事也篆額者錢貽範無傳文云天下之嶽五獨北之常常卽恒也避真宗諱用常字碑陰列定州官屬二十四人內有傳可攷者陳薦字彥升邢州沙河人舉進士爲華陽尉從韓琦定州河東幕府而不載其守冀州武邑縣令傳略之也趙滋字子深開封人韓琦經略陝西舉滋可將領得閣門祇候爲鎮戎軍西路都巡檢後爲京東東路都巡檢在京東五年數獲盜不自言富弼爲言乃自東頭供奉官超授供備庫副使定州路駐泊都監張忠字聖毗開封人仁宗卽位遷天武左第三指揮使融州刺史改潮州齊州團練使擢滄州本路鈐轄徙澶州總管與碑系銜不合疑別一人任守忠見宦者傳字稷臣由蔭入內黃門仁宗親政西鄙用兵爲秦鳳涇原路駐泊都監以功再遷東染院使內侍

押班出爲定州鈐轄加內侍副都知碑系銜北作坊使綿州團練使傳所不載狄青字漢臣汾州西河人仁宗時徙真定路副都總管歷侍衛步軍殿前都虞候眉州防禦使遷步軍副都指揮使保大安遠二軍節度觀察畱後又遷馬軍副都指揮使與碑亦互有詳略劉斌史孝義傳有其人是報父仇稱孝者與碑別一人餘俱無攷

傳應法師行狀

碑高七尺八寸廣三尺八寸三十四行行七十三字正書碑陰畫圖額題終南山上清太平宮之圖十字正書在

聖宋傳應大瀆師行狀

法師姓張氏諱守真字悟元後漢三萁正一扶教大法師迺丞相畱侯六代孫法師卽子房之遠裔真嗣曼延不常厥居今爲整厓人也瀆師幼孤及長氣誼過人言行相顧不交權豪篤濟物之心逮壯嘗遊終南山遇

上聖空中降曰吾北天大聖玉帝輔臣授

命衛時乘龍降在匪正直英傑之士无以振古道汝有異骨殆非凡庶夙叶真教可受吾教法師口口聖語口口事口還口口葦茹共記口口真君曰吾迺堯真非竒口至于口口口口汝安得輒用腥穢然汝未

晤固不加舉可□□□□汝至誠□□□□
□□□□□□□□者□加□罰法師乃寅恭致
謝復啓曰守真聞在男曰巫在女曰覲□□□□
大丈夫之所恥願聞不訓矣真君曰□教汝劔瀆為
民除祚次指汝□□□□國祈福□□□□□
□□巫覲哉後□□蒸民災苦祈請者靡不赴之斬
邪去□一□□□□自是不復為患矣真君降
曰吾運化西本朝第三主將建元闕置十一座殿宇
列中外界星辰□國□□□□□□□□汝發
運必受大大君禮遇法師稱謝曰□□□□

君曰吾為天上師汝須得人開師法師迺詣古樓觀主
梁□門下朝真叩靈□月中□□□□法師於古終
南縣私第蒞構北北帝宮塑真真君聖像自是□遠
從□者□奔走求□日聞神異故時人呼法師為通靈
先生張黑殺開寶□年太太祖皇帝□□□□
□□□□馳驛曰是年十月三日赴命越十日□
東都趨文陛天天子被□百辟剡敘法師對敬神
氣自若左右為之動容上上詢遇真真君神異事
法師具對□□□□□□□□□□謂法師曰
真君降言有類此乎對曰若陛下不之信棄臣市

可驗無目人聲媒嬪上聖帝然之曰果正
直之口即日詔憩建隆觀十九日 太社上僊二

十一日 太宗皇帝嗣統命法師瓊林苑醮謝

上帝結壇施瀆至誠幽贊潛通穹昊

真君降曰 大宋宗社口永時

太宗伺午夜秘殿底誠稽首再摺謝曰仰賴口口上真

福浸生靈誓當修奉禮畢口口師西歸至太平興國二

年春命起居舍人王龜從內供奉王守節赴終南山慎

選勝基構立上清太平宮眾議未決昔 真

君降曰北帝宮甫近可建殊庭繇是以定良材雲口口

口風从迨三周歲始僞厥功顯符真誥鹵救法師尸之

及賜縣官邸店越數百楹旬日利以充費法師前後錫

賚咸賈易創田園不啻萬畝立為常住其經營後在弗

匱者實法師之力焉 宣命給卒百人供法師驅

役當時輜車沓至士俗響臻法師屋禮以延之迄今適

為永式三年冬十月修祝 聖壽之蟻恭趨

象魏再親咫尺 帝曰高尙禮之賜紫口口簡於

黼座前游被隆恩復之攸館六年十月御前賜師號曰

崇靈大師七年春正月入內高品盧文壽 中

愔委本宮祈禱用安宗社樂康兆民法師設普天大醮

威儀具陳寔非常 真君降靈迺錄感應聞奏

上知社稷有賴尤加虔奉雍熙中 朝廷

以口口口遞遣中貴麥守恩傳 天憲命法師昭

告旨卜祺祥遂召羅禿大醮口意蠲絜愈于常度升聞

冕旒及犬戎束手河朔怙然太史奏五福太一

臨吳分請修其祠 敕京城東南隅初靈宇以

宅之亟召法師醮請太一真君 上謂曰非卿何

以感通神化禮畢而還淳化五年冬被制授鳳翔府管

內道正蓋尊嚴其教也 皇朝凡七祀園正必詔

法師導從 灋駕口都人跂踵仰瞻

大聖人遇法師殊常之禮實前古之罕聞俾還本宮

告謝禳穢戲事 國史詳焉當時水旱災沴靡不

修禳式昭景貺則知法師寔 清世應運之士也

故得福蔭一方慕勝道口服膺徒弟常不減數百法師

威而不猛有摠領均平之灋救寧上下無敢違越豈非

懿德之淵源乎至于夙夜寅奉香燈諸殿朝禮越二十

年雖風雨不渝法師象簡執成指痕斯乃勤至之驗也

法師凡為國家設二百餘醮修三百餘齋授宣敕三十

餘道居一日名門人謂曰吾有誅翦怪魅之功而虧修

鍊飛昇之妙奈何五行更王大數告窮胡能免於形謝

哉然而質雖遷殞神自有歸上帝錄吾及物之
 勲已領符命授五土之主汝等必能恢繼教風天弗違
 願遽命蘭湯日三浴徐飲清泉斗餘易衣啓示手足以
 至道二年閏七月十六日委蛻而化享年六十有六時
 天地晦冥大雨三日於別墅權厝後復雨三日法師重
 修古迹宮觀有三鋪敘飛奏各賜名額矚昔未遇有子
 曰元濟業進士法師朝覲奏名敕賜同學究出身遂調
 選錄法師行狀以聞奉聖旨批付史官布衣
 張濤集事跡門人刻石立于真堂之右
 弟子二十一人 賜紫劉元載 張元明 元元

| | | | | | |
|------------------|-----|-----|-----|-----|----|
| 德 | 滕元勝 | 李元亨 | 李元輔 | 趙元正 | 王元 |
| 秘 | 段元素 | 李元清 | 李元白 | 張元宗 | 程元 |
| 亮 | 劉元吉 | 姜謙信 | 李善應 | 許善能 | 強善 |
| 宗 | 趙善抱 | 楊善和 | 李善結 | 杜振塑 | 真像 |
| 李楚裝 咸平二年六月二十七日立石 | | | | | |

夫立善功舉大名雖骨命所鍾誠明彰著然亦由志行
 修蘊天心協應力行聖教而不泯者則 傳應大
 法師其人也法師以景德二年八月中自別墅遷葬於
 書臺鄉郭塚社祥符七年 敕加翊聖將軍曰

翊聖保德真君

法師舊號崇慶大師

今上秉籙嘗閱琅函因覽

翊聖傳記頗動

睿念景祐中降

制書加號傳應大法師

司竹殿直張君簡每瞻祀

法師真像欽歎久之

嘗謂人曰法師風貌瓌異真神明之標表故得民到于今稱之法師善功美實刻石存焉張君覽之曰石剝字缺文誼訛舛使遠之人曷以披覩茂實者哉惜乎季祀寤遠幾至湮滅具白主者願錄舊文命工重刊庶幾不朽張君自出奉金以賞其費精求翠碧果成厥志識者嘉之 監宮都官郎楊公通儒英特聞而溢美曰是贊成實有力焉前守寧州定安縣士簿周郁後序及書

篆

師孫六人 住持延生觀賜紫閻知白 住持資聖

宮賜紫張知常 住持順天興國觀賜紫強德安

內住持順天興國觀賜紫王全矩 劉知道劉全穆

住持資聖宮賜紫蘇宗晏 上清太平宮副宮主賜

紫尋宗邈 上清太平宮主凝和大師賜紫劉子翔

三班借職監鳳翔府清平鎮酒稅務劉惟滋

朝散大夫尚書都官郎中監鳳翔府上清太平宮兼

兵馬都監輕車都尉賜緋魚袋楊中和

皇祐二禩上章攝提格夏五月式十有五日重建

安定郡梁志刻

江寧崇教寺辟支佛塔記

石高二尺五寸五分廣二尺三寸一分十九行行二十六字正書在江寧

聖宋江寧府江寧縣牛首山崇教寺辟支佛塔記

顧清書

牛首雙峯高插雲漢寔金陵之巨屏東夏之福地林樹葱鬱泉石相映聖賢大士多所棲宅故宋明帝嘗問道林誌云牛首有何神聖曰文殊領一萬菩薩冬居於此又辟支迦入定之所即稱為佛窟寺上有巖洞幽濬磅礴中鑱真隱世傳辟支宴坐之洞也西竺曰辟

支迦唐去緣覺因觀十二因緣而覺性明悟又云獨覺觀四時之凋變知諸識之何依无師自悟稱之獨覺其或靈山隱秀名洞棲真因其所居即為化境矣若夫道之污隆地有興替得其盛者繫於人焉當寺自天聖年中有僧德銓戮力自效遍募擅信欲於山頂建造塼塔以標勝跡歲月茲久工力未就乃有府城信人高懷義嘆之因循慨其湮沒遂集眾力同而成之即於洞前按圖定址審曲面勢下葬舍利上建塼塔惣高四丈五尺中安辟支佛夾苧像一軀粹容儼若寶塔高妙瞻者覩者罔不發菩提心即噫人之生以寒暑之勞朝營

夕謀豐衣厚食不啻一善至於齒鬣髮華乾没于世者有之矣若 高氏生能構斯善鳩舉眾類建是塔作

是緣鎮此名藍標于勝槩是不朽之矣長干圓照大師普莊因觀斯善合掌讚嘆云爾皇祐二年歲次庚寅春

三月三日起工八月望日落成後三日謹記

興塔僧德銓 殿主僧德勤 維那僧德誠 寺主

僧處真 李整刊

右崇教寺辟支佛塔記長干圓照大師普莊為文都

元敬遊牛首山記謂不著撰人者攷之未審爾碑書

插為插濬為濬无為无皆宋時俗體 潛研堂金石文跋尾

篆

師孫六人 住持延生觀賜紫閻知白 住持資聖

宮賜紫張知常 住持順天興國觀賜紫強德安

內住持順天興國觀賜紫王全矩 劉知道劉全穆

住持資聖宮賜紫蘇宗晏 上清太平宮副宮主賜

紫尋宗邈 上清太平宮主凝和大師賜紫劉子翔

三班借職監鳳翔府清平鎮酒稅務劉惟滋

朝散大夫尚書都官郎中監鳳翔府上清太平宮兼

兵馬都監輕車都尉賜緋魚袋楊中和

皇祐二禩上章攝提格夏五月式十有五日本重建

安定郡梁志刻

江寧崇教寺辟支佛塔記

石高二尺五寸五分廣二尺三寸一分十九行行二十六字正書在江寧

聖宋江寧府江寧縣牛首山崇教寺辟支佛塔記

顧清書

牛首雙峯高插雲漢寔金陵之巨屏東夏之福地林樹葱鬱泉石相映聖賢大士多所棲宅故

嘗問道林誌云牛首有何神聖曰文殊領一萬菩薩冬居於此又辟支迦入定之所即稱為佛窟寺上有巖洞幽濬磅礴中鑱真隱世傳辟支宴坐之洞也西竺曰辟

支迦唐去緣覺因觀十二因緣而覺性明悟又云獨覺觀四時之凋變知諸識之何依无師自悟稱之獨覺其或靈山隱秀名洞棲真因其所居即為化境矣若夫道之汚隆地有興替得其盛者繫於人焉當寺自天聖年中有僧德銓戮力自效遍慕擅信欲於山頂建造塼塔以標勝跡歲月茲久工力未就乃有 府城信人高懷義嘆之因循慨其湮沒遂集眾力同而成之即於洞前按圖定址審曲面勢下葬舍利上建塼塔惣高四丈五尺中安辟支佛夾苧像一軀粹容儼若寶塔高妙瞻者覩者罔不發菩提心即噫人之生以寒暑之勞朝營

夕謀豐衣厚食不啻一善至於齒觀髮華乾没于世者有之矣若

高氏生能構斯善鳩舉眾類建是塔作是緣鎮此名藍標于勝槩是不朽之矣長干圓照大師普莊因覩斯善合掌讚嘆云爾皇祐二年歲次庚寅春

三月三日起工八月望日落成後三日謹記

興塔僧德銓 殿主僧德勤 維那僧德誠 寺主

僧處真 李整刊

右崇教寺辟支佛塔記長干圓照大師普莊為文都元敬遊牛首山記謂不著撰人者攷之未審爾碑書插為插濬為濬无為无皆宋時俗體潛研堂金石文跋尾

重修仙鶴觀記

碑連額高六尺八寸廣三尺一寸五分二十行行四十五字正書篆額在偃師縣緱氏鎮

重修仙鶴觀記

前進士河南王夷仲撰

口老之法要其所歸惟清淨寂滅全自然之性不以外物縻於中者也口口口老之法也遷史叙老子口口口又傳記有說老子口口域而始為口圖者所以其書相出入轍雖異而其歸一也其法牙於漢募於晉魏梁隋之間後口欲口道之相勝也則口者必忌於老老者必疾於口迭攻交毀歧而二焉然口之宮遍處天下竦然

金石錄卷三十四
相望鮮華偉壯莫□□加其徒豐衣旨食幾中夏四民
之□傾奉之心猶慊慊然患不能穹隆極侈以充其志
也老之居雖通都□邑□□一二垣頽屋敗僅有存者
其徒常汲汲於蚤暮間且猶不克自資於温飽也嗚呼
彼何盛而此何衰邪豈□之者能恢張其說謂極天之
上而上際地之下而下洎人之死生去來貴賤壽夭凡
生民之□惡欲莫不畢出於□而主之焉是以鼓動群
衆使趨向之如走號令雖四海九州之外莫不一其心
也老之法有羽化□□毆役鬼神移變星文之休咎□
於禴禴厭伏之事□雄偉大苟奉而有之豈少哉蓋□
者衆而老者寡□□之人隨時趨舍向於後而忽於此
也故□治老之宮者非奉道薦信之士不可成已緱氏
縣前記有周靈王太子晉控鶴昇仙之事故城東三里
有仙鶴觀者得号於李唐間年祀寔遠屋□因廢慶曆
中里中之樂善者凡數十人相與歎曰是觀且廢今不
能復之則何以使人瞻仰信奉以漸於善乎乃卜地得
縣署之□□□百步□於縣大夫翼君□爲請命於
府曰可得道士左慶之清苦者也使居且□□□年
觀之門牆殿宇□慶之一□□吾□□曰爲是觀也用
非蠹於民而積丐其微以足其頃假非擅而作蓋卽舊

金石錄卷一百三十四
考而起其廢功非逾乎制而□□庇其像請文勒石以
章興修之志於後予謂蠹於民擅於役逾於制者皆過
也今無一焉惡得不爲之書乎哉
大宋皇祐二
年九月乙酉記

觀主賜紫左慶之立石

將仕郎守河南府緱氏縣丞張昭夔

將仕郎守河南府緱氏縣主簿劉丕

□班殿直監西京緱氏縣鹽酒稅孟延亨書并篆額

禮部員外郎知河南府緱氏縣事上輕車都尉賜緋

魚袋路綸

億按宋史言宋初內外所授官名非本職唯以差遣
爲資歷建隆四年詔選朝士分治劇邑大理正奚嶼
知館陶監察御史王佑知魏楊應夢知永濟屯田員
外于繼徽知臨清常參官宰縣自此始日知錄引又于慎
行筆塵云宋時大縣四千戶以上選朝官知小縣三
千戶以下選京官知故知縣與縣令不同以京朝官
之銜知某縣事非外吏也然則今碑題銜禮部員外
郎知河南府緱氏縣事正以朝官爲之蓋緱氏於宋
爲畿縣其地繁劇故知縣事者每重其人也偃師金石錄

重修仙鶴觀實錄

石高四尺九寸廣三尺一寸十八行行廿一字正書

武威安道卿書

緱氏縣郭下燈油醮社故比部郎中孫劉荀等經

縣陳狀請到東京上清宮賜紫道士左慶之充

仙鶴觀主焚修住持開排施主如後

郭下安中素捨施地基二十八畝三分係正稅絹七尺

外別無青苗稅數亦無官私地課

郭下女弟子董氏獨辦修葺正殿一坐

郭下女弟子闞氏獨辦塑老君并部從等

郭下韓宗正施造老君塼坐一所

郭下王居安自辦材木修道堂一坐

郭下田义裝土地里域真官兼造堂一所

左慶之与醮社等同共修真武殿一坐并門樓了當

醮社人李元吉 高士元 王义 梁熙

李從政 李仕誠 李居正 李道真

張士元 李舜德 李仕簡 李義

此仙鶴觀元在縣東三里已來年代深遠倒塌荒廢至

大宋慶曆六年三月中依本縣圖經內名額重修

皇祐二年庚寅歲九月乙酉建安中素施石

東平康垣刻字

億按宋史王安石傳及食貨志青苗法自王安石始
立在神宗時今碑陰記云施地基二十八畝三分係
正稅絹七尺外別無青苗稅數碑之建當仁宗皇祐
二年已有此做法疑不可曉也或未變法以前課稅
內已立青苗名曰安石因倣而行之輸歛倍甚民始
重困耳然則青苗名稅所起久矣又碑言燈油醮社
今鄉人猶於諸寺廟供燈立社亦其遺俗也
偃師金石錄
按宋史食貨志仁宗之世契丹增幣夏國增賜養
兵兩陲費累百萬然帝性恭儉寡慾故取民之制
不至掙克神宗欲伸中國之威革前代之弊王安

石之流進售其強兵富國之術而青苗保甲之令
行民始罹其害矣又檢李叅傳叅歷知興元府淮
南京西陝西轉運使部多戍兵苦食少叅審訂其
闕令民自隱度麥粟之贏先貸以錢俟穀熟還之
官號青苗錢經數年廩有羨糧熙寧青苗法蓋萌
於此矣此傳可爲仁宗時已行青苗之証蓋叅行
之祇以贍兵而王安石行之遂爲厲民之政矣

復唯識解院記

碑連額高九尺三寸廣三尺六寸四分十
四行行三十字并額俱正書在藍田縣

予九月自扈之藍田宿道傍寺問其名曰唯識口洪集

曰五代時石識存焉按其刻曰龍泉寺 國初更名

義井遂以故廢逮開寶九年通唯識論口志興即其地

廬之乃號唯識院慶曆初西方用兵 詔寺不及三

十室者皆毀至是院又廢後五年 用言者陝以西

寺毀而今願復宜勿禁故洪集實力之其費出於民姚

氏畧七人洪集有口行且老誦經日常一飯環其地數

鄉之人趨信之蓋如歸姚氏七人非巨家耐得其不顧

吝而洪集无寒暑奔走能勿懈故其室不俟久而成凡

為屋曰殿曰堂曰厨曰門曰閣畧八區三十有式楹皆

壯宏可觀噫儒口口未嘗為尺寸地雖童子不肯輒屈

曰 國家嘗詔四方郡無小大皆立學本古庠序之

法以為教甫一年學不幸而廢 况下士反無弋言復之

者今唯識再毀矣皆不幾口而復其不顧吝有若七人

者其勿懈有若洪集畧其請而勿禁有若言口是儒果

出口口甚遠也儒之人眎唯識豈獨不口越明年五月

院成洪集自始末徠乞余言遂書之且以見其心之恥

云皆皇祐三年也豫章黃口記琅邪口口元書朱太華

鄭口口題額蘭陵口大雅立石 張遵刻

唯識解院者藍田故龍泉寺也有洪集者與姚氏共

復之而為之碑碑文寥落耳書或正或行或草或兼

一二筆小篆分隸其草又時作渴筆極奇怪迥似魯公誠縣而時復出入但記者為豫章黃口闕其名書者為瑯琊口口元闕其姓名二字題額者為鄭口口闕其名立石者為口大雅闕其姓諸人名姓無一全者獨刻者張遵姓名亡恙人固有幸不幸哉石墨鐫華復唯識解院記豫章黃庶誤庶字亞夫宋時人其文載伐檀集中觀妙齋金石攷略

按碑云五代時石刻曰龍泉寺國初更名義井後乃號唯龍院今檢陝西通志藍田縣不載此寺蓋頽廢久矣豫章黃庶者山谷之父也字亞夫分寧

人慶歷二年進士歷一府三州從事攝康州所著詩文名伐檀集宋史黃庭堅傳不附載

岱嶽觀題名四段

宋禧題名

石橫廣一尺四寸高六寸四分八行行五六字不等行書

轉運使尚書工部郎中宋禧因巡歷遊岱嶽觀皇祐四年三月二十有二日題時奉符宰殿省丞張周偕行

又

石橫廣一尺四寸高六寸二分九行行七八字不等正書

州從事李陟因幹事至邑率巡山供奉何懷智前巡山侍禁李安龔丘簿胡稷臣符離進士張琬口口時皇祐壬辰歲仲夏月十有一日陟題石 觀主王歸德 道

士李若清

又石高四尺五寸廣三尺
五行每行九字正書

皇祐六年甲午歲正月廿一日尚書職方員外郎知永

州柳拱辰同尚書駕部郎中分司周世南祁陽縣令齊

術遊此

又記刻在唐岱嶽觀造像碑側之上截
七行行四字五字不等行書左行

長清董元康權宰奉高受代將歸同王彥文遊政和甲

午重九日崇道繼至

張遵等峴首題名二段

此刻未詳是何碑側高九尺一寸廣一尺
三寸分上下截書上截四行行二十十字

京西提點刑獄尚書職方員外郎張遵同提點刑獄東

頭供奉官閣門祔候康遵度因按部經峴首登賞焉尚

書七田員外郎通判襄州黃孝立太常博士知襄陽縣

事王嘉錫偕從皇祐癸巳重九日嘉錫題記

又四行行九字此即刻在
皇祐癸巳張遵題名下

太守孫頌景脩同湘南運使苗時中子居運判唐義問

君益遊此熙寧丙辰仲春十六日

李叅等草堂寺題名

石高一尺五寸廣一尺八行行十三字
十六字不等左行行書在鳳翔府郿縣

淮南江浙荆湖等路都大制置發運使尚書司封郎中

李叅清臣與尙書都官員外郎通判鳳州母沆清臣著作佐郎知鄆縣郭霖君肅新知萬年劉顥景清大理寺丞前知保定步翔新知萍鄉王宗元元之同州司士嚴振伯起及弟衛尉丞泳道淵同遊皇祐甲午上巳日

此鳳翔題名也不知刻于何地後題皇祐甲午上巳亦不知何人之筆綽有筋骨法似顏柳最爲合作

墨林

快事

按陝西通志草堂寺在鄆縣東南四十里圭峯下後秦西僧鳩摩羅什譯經之處唐改棲禪寺卽所謂草堂寺也鳩摩羅什自西竺來爾時未有寺爲

樹草堂譯經其中其後建寺始定今名而俗猶呼

草堂寺云題名七人惟李叅有傳云字清臣鄆州

一效須城人但載其歷知興元府淮南京西陝西轉運

使與題名之所載淮南江浙荆湖等路都大制置

發運使尙書司封郎中者不同末題皇祐甲午上

巳日是年四月朔改元至和三月尙是皇祐六年

碑合也

京兆府小學規

碑連額高七尺二寸四分廣三尺八寸五分作四截書各十八行行七字正書篆額在西安府學

鄉貢進士裴軫書

大理寺丞簽署觀察判官廳公事專管勾府學李縉
篆額

府學 榜准 使帖指揮 旌 宣聖廟內置立小學所
有合行事件須專指揮

一應生徒入小學竝須先見教授投家狀并本家尊屬
保狀其保狀內須聲說情願令男或弟姪之類入申學

官押署後上簿拘管

一旌生徒內選差學長二人至四人傳授諸生藝業及
點檢過犯

一教授每日講說經書三兩帙授諸生所誦經書文句
音義題所學書字樣出所課詩賦題目撰所對屬詩句
擇所記故事

一諸生學課分為三等

第一等

再日抽籤問所聽經義三道念書一二百字學書十行

吟五七言古律詩一首三日試賦一首或四韻看賦一道

看史傳三五帙內記故事三條

第二等

再日念書約一百字學書十行吟詩一絕對屬一聯念
賦二韻記故事一件

第三等

每日念書五七十字學書十行念詩一首

一應生徒有過犯竝量事大小行罰季十五以下行扑

撻之法季十五以上罰錢充學內公用仍令學長上簿

學官教授通押

行止踰違盜博鬪訟不告出入毀棄書籍畫書牕壁損

壞器物互相往來課試不了戲玩誼譁

一應生徒依府學規歲時給假各有日限如妄求假告

及請假違限竝關報本家尊屬仍依例行罰

右事須給懸小學告示各令知委

以前件如前

至和元季四月日

權府學教授蒲宗孟

府學說書兼教授裴瀆

祕書丞通判軍府兼管內勸農事提舉府學韓繹

尚書比部員外郎通判軍府兼管內勸農事提舉府

學薛侏

忠武軍節度使特進檢校太尉知軍府事文

本學教授兼說書草澤任民師

三峯進士李邵管句立石 豐邑樊仲刻

金石錄卷一百三十四
右京兆府小學規後題忠武軍節度使特進檢校太尉知軍府事文而不名者潞公彥博也潞公以前宰相知府事故題銜較通判以下特大而不署名凡節度使必帶檢校官宋史彥博傳不云檢校太尉者略之也宋史職官志慶歷四年始置教授委運司及長吏於幕職州縣內薦或本處舉人有德藝者充蓋其時諸州教授皆由本路薦辟不奉朝旨故胡瑗教授蘇州不見於本傳據此碑蒲宗孟嘗爲京兆府教授本傳亦未之及也宋時有崇政殿說書及王府說書據此刻則府學亦有說書矣裴衿書學顏清臣而得

其形似其書於作於則它碑無之

潛研堂金石文跋尾

按宋史地理志京兆郡永興軍節度使本次府大觀元年升大都督府舊領永興軍路安撫使宣和二年詔永興軍守臣等銜不用軍額稱京兆府然則永興軍之直稱京兆府始于宣和二年卽升大都督府亦在大觀元年據此碑則至和元年已稱京兆府矣蓋沿唐之舊也永興軍之建立府學始于景祐元年知軍范雍奏請中書門下有牒有劄刻石學中碑已見前此是小學生徒三等有年十五歲以下者未知與彼碑所載之修業進士一百

三十七人同在學否也書碑裴軫篆額李縉俱無
攷年月後列銜有權府學教授有說書兼教授而
又有教授兼說書有提舉府學者二人其知軍府
事特以其尊而臨之也蒲宗孟史傳字傳正閬州
新井人第進士調夔州觀察推官傳載仁宗時祇
此此下俱英宗時事其至和元年權教授不知與夔州推
官孰前孰後也韓繹史附見韓億傳億字宗魏由
靈壽徙雍邱八子綱綜絳繹維縝縉緝則繹乃第
四子史無事蹟可攷文彥博累拜同中書門下平
章事集賢殿大學士罷為觀文殿大學士知許州
改忠武軍節度使知永興軍據宰相表知許州在
皇祐三年十一月至此知永興又越三年矣餘俱
無攷

玉華宮詩

石高三尺六寸廣三尺七寸十行
行十六字正書在坊州宜君縣

溪迴松風長蒼鼠竄古瓦不知何王殿
遡構絕壁下陰房鬼火青壤道哀湍瀉
萬籟真笙竽秋色正蕭洒美人為黃土
况乃粉黛假當時侍金輿故物獨石馬憂
來藉草坐浩歌淚盈把冉冉征途間誰是
長季者宮在坊州宜君縣之西鳳皇谷今
季秋予以吏役過

是觀其遺址愴然于懷因記杜子美詩有故物獨石
馬之句求其所謂石馬者蓋無得焉豈事益遠者其
跡益泯而無存邪遂刻杜詩于宮西之玉華寺俾來
者觀之□□□焉時至和元季八月二十日也中部
縣主簿李元瑜題

按唐書地理志玉華宮在坊州宜君縣北四里鳳
凰谷貞觀二十年置永徽二年廢爲寺冊府元龜
云太宗建玉華宮正門謂之南風門殿覆瓦餘皆
葺之以茅帝以意在清涼務從儉約匠人以爲層
巒峻谷元覽遐長於是疏泉抗殿包山通苑皇太

子所居南風門之東正門謂之嘉禮門殿名暉和
殿其官曹署寺並皆創立微事營造庶物亦擾市
取供而折畚和僱之費以鉅億計矣及帝遊幸勅
奉御王孝積於顯道門內起紫微殿十三間文甃
重基高敞宏壯帝見之甚悅据此則玉華宮之規
模壯麗如此自貞觀二十年至永徽二年僅逾六
年雖廢爲寺而宮殿之制不改也自永徽二年至
杜少陵賦詩時相距百年而詩中已有不知何王
殿之語似乎玉華宮名已不可問者又云蒼鼠窠
古瓦陰房鬼火青則寺宇尙存但人迹闕寂耳至

此碑之刻在宋至和初又閱三百年宜乎但有遺址存并石馬俱不可攷矣李元瑜以中部主簿愴然于懷刻杜詩以表遺蹟可謂賢簿矣惜無傳可考又其記未將興建之盛著於篇特詳識之

零陵縣朝陽巖題名六段

石橫廣三尺三寸高二尺二寸八行行七字正書

尚書職方員外郎知永州柳拱辰禮賓副使湖南同提點刑獄李用和尚書比部員外郎通判永州尹瞻至和二季乙未九月四日游此朝陽巖

又高五尺七寸廣二尺三行中三大字左右年人名正書

朝陽巖 嘉祐五季二月五日張子諒書盧臧題記

又高三尺六寸廣一尺六寸五行行十四字正書

荆湖南路提點刑獄公事尚書職方郎中程濬治之尚書虞部郎中知軍州事鞠拯道濟尚書比部員外郎通判軍州事周惇頤茂叔治平三季十二月十二日同遊

永州朝陽洞

又高廣均一尺五寸六行行六字正書

臨川劉蒙資明原武邢恕和叔河東安惇處厚元祐七年九月二十一日泛舟渡江同遊朝陽巖

又橫廣三尺二寸高三尺一寸六行行九十字正書

金石錄卷三十四
主郡吏南昌黃彪彪父暇日携子俛棧澁榮犖楛登遊
朝陽巖摩拂蒼崖觀伯父太史題刻歎慨久之表姪九
江夏孝章同來乾道辛卯百五日

又

四行行十四十六字行
書此刻在黃彪之左

零陵令君王淮伯清慶元庚申歲閏口月廿有二日招
北嶽王沈叔甫桐鄉口致祥和之過水西憩火星巖淪
茗石上口飲朝陽洞竟日乃還男荷侍行致祥敬題

按湖南通志朝陽巖在零陵縣西南三里唐元結
銘序自舂陵至零陵愛其郭中有水石之異泊舟
尋之得巖與洞以其東向遂以命之明一統志在

零陵縣西瀟江之澣巖有洞澗自中流出入湘零
陵縣志一名流香洞有石淙源自羣玉山伏流出
巖腹氣如蘭蕙從石上瀉入綠潭洞門左右有石
壁黃山谷題名鐫其上巖後有祠祀唐宋謫官蓋
朝陽巖距城不遠凡遊華嚴巖澹山巖者必先經
朝陽巖此題名六段其中如柳拱辰張子諒盧臧
周惇頤諸人皆已見澹山巖題名者餘如邢恕見
宋史姦臣傳字和叔鄭州陽武人哲宗立累遷右
司員外郎起居舍人坐黜知隨州改汝襄河陽再
責監永州酒此題卽監酒時也安惇亦見姦臣傳

字處厚廣安軍人上舍及第調成都府教授擢監察御史哲宗初罷爲利州路轉運判官歷夔州湖北江東三路是在元祐中未嘗官永州不知何以得與邢恕同游或者嘗官於此而史脫略耳主郡吏南昌黃彪當是山谷之姪題云觀伯父太史題刻者卽指洞門左右石壁山谷題名也今山谷題名已失揚矣零陵令君王淮字伯清宋史有王淮傳字季海婺州金華人歷仕高孝二朝未嘗令零陵則別一人也題云過水西憩火星巖方輿勝覽火星巖在永州西江外地勝景清爲零陵最奇絕處零陵縣志巖在羣玉山之側明嘉靖中改名德星巖餘俱無攷

范文正公神道碑

碑高一丈二尺四寸二分廣五尺七寸三十行行七十二字隸書在洛陽

宋推誠保德功臣資政殿學士金紫光祿大夫尙書戶部侍郎護軍汝南郡開國公食邑二千三百戶食實封陸伯戶贈兵部尙書謚文正公口公神道碑銘并序

翰林學士尙書吏部郎中知制誥充闕
翰林學士兼侍讀尙書吏部口口口口口口口口口口

王洙書

皇祐四年五月甲子資政殿學士尚書戶部侍郎汝南文正公薨于徐州以其年十有二月壬申葬于河南尹樊里之萬安山下公諱仲淹字希文五代之際世家蘇州事吳越太宗皇帝時吳越獻其地公之皇考從

錢俶朝京師後為武寧軍掌書記以卒公生二歲而孤母夫人貧無依再適長山朱氏既長知其世家感泣去之南都入學舍埽壹室晝夜講誦其起居飲食人所不

堪而公自刻益苦居五年大通六經之旨為文章論說必本於仁義祥符八年年舉進士禮部選第壹遂中乙科

為廣德司理參軍始歸迎其母以養及公既貴天

子贈公會祖蘇州糧料判官諱夢齡為太保祖祕書監

諱贊時為太傅考諱墉為太師妣謝氏為吳國夫人公

少有大節其於富貴貧賤毀譽權戚不一動其心而慨

然有志於天下常自誦曰當先天下之憂而憂後天下

之樂而樂也其事上遇人壹以自信不擇利害為趨捨

其所有為必盡其方曰為之自我者當如是其成與否

有不在我者雖聖賢不能必吾豈苟哉天聖中晏丞相

薦公文學以大理寺丞為祕閣校理以言事忤章獻

太后旨通判河中府陳州久之上記其忠名拜右

司諫當太后臨朝聽政時以至日大會前殿

上將率百官為壽有司已具公上疏言天子無北而且

開後世弱人主以彊母后漸其事遂已又上書請還政

天子不報及太后崩言事者希旨多求

太后時事欲深治之公獨以謂太后受託

先帝保佑聖躬始終十年未見過失宜掩其小故

以全大德初太后有遺命立楊太妃代為太后公

諫曰太后母號也自古無代立者繇是罷其冊命

是歲大旱蝗奉使安撫東南使還會郭皇后廢率諫官

御史伏閣爭不能得貶知睦州又徙蘇州歲餘即拜禮

部員外郎天章閣待制召還益論時政闕失而大臣權

倖多忌惡之居數月以公知開封府開封號難治公治

有聲事日益簡暇則益取古今治亂安危為上開

說又為百官圖以獻曰任人各以其材而百職修堯舜

之治不過此也因指其遷進遲速次序曰如此而可以

為公可以為私亦不可以不察由是呂丞相怒至交論

上前公求對辯語切坐落職知饒州徙潤州又徙

越州而趙元昊反河西乃以公為陝西經略安撫副使

遷龍圖閣直學士是時新失大將延州危公請自守鄜

延扞賊乃知延州元昊遣人遺書以求和公以謂無事

請和難信且書有僭號不可以聞乃自為書告以逆順

成敗之說甚辯坐擅復書奪壹官知耀州未逾月徙知

慶州既而四路置帥公為環慶路經略安撫招討使兵

馬都部署遷諫議大夫樞密直學士公為將務持重不

急近功小利於延州築清澗城墾營田復承平永平廢

寨熟羌歸業者數萬戶於慶州城大順以據要害奪賊

地而耕之又城細腰胡盧於是明珠滅臧等大族皆去

賊為中國用自邊制久隳至兵與將常不相識公始分

延州兵為六將訓練齊整諸路皆用以為瀆公之所在

賊不敢犯人或疑公見敵應變為如何至其大順也一

旦引兵出諸將不知所向至柔遠始號令告其地處使

往築城至於版築之大小畢具而軍中初不知賊以騎

三萬來爭公戒諸將戰而賊走追勿過河已而賊果走

追者不度而河外果有伏賊既失計乃引去於是諸將

皆服公為不可及公待將吏必使畏瀆而愛己所得賜

資皆以上意分賜諸將使自為謝諸蕃質子縱其

出入無口人逃者蕃酋來見召之卧內屏人徹衛與語

不疑公居三歲士勇邊實恩信大洽乃決策謀取橫山

復靈武而元昊數遣使稱臣請和上亦召公歸矣

初西人藉為鄉兵者十數萬既而黥以為軍唯公所部

但刺其手公去兵罷獨得復為民其於兩路既得熟羌

為用使以守邊因徙屯兵就食內地而紆西人饋輓之

勞其所設施去而人德之與守其法不敢變者至今尤

多慶曆三年春召為樞密副使五讓不許乃就道既至

數月以為參知政事每進見必以太平責之公歎曰

上之用我者至矣然事有先後而革弊於久安非朝

夕可也既而上再賜手詔趣使條天下事又開天

章閣召見賜坐授以紙筆使疏于前公惶恐避席始退

而條列時所宜先者十數事上之其詔天下興學取士

先德行不專文辭革弊勘例遷以別能否減任子之數

而除濫官用農桑考課守宰等事方施行而磨勘任子

之濶僥倖之人皆不便因相與騰口而嫉公者亦幸外

有言喜為之佐佐會邊奏有警公即請行乃以公為河

東陝西宣撫使至則上書願復守邊即拜資政殿學士

知邠州兼陝西四路安撫使其知政事纔壹歲而罷有

司悉奏罷公前所施行而復其故言者以危事中之賴

上察其忠不聽是時夏人已稱臣公因以疾請鄧

州守鄧三歲求知杭州又徙青州公益病又求知潁州

肩昇至徐遂不起享年六十有四方公之病上賜

藥存問既輟朝壹日以其遺表無所請使就問其家

斃

宋十二

所欲為贈以兵部尚書所以哀卹之甚厚公為人外和內剛樂善汎愛喪其母時尚貧終身非賓客食不重肉臨財好施意豁如也及退而視其私妻子僅給衣食其為政所至民多立祠畫象其行臨事自搢紳處士里閭田野之人外至夷狄莫不知其名字而樂道其事者甚眾及其世次官爵誌于墓譜于家藏于有司者皆不論著著其繫天下國家之大者亦公之志也歟銘曰
范於吳越世實陪臣倣納山水及其士民范始來北中間幾息公奮白躬與時偕逢事有罪功言有違從豈公必能天子用公其艱其勞一其初終夏童跳邊乘

更怠安 帝命公往問彼驕頑有不聽順鉏其穴根

公居三年怯勇墮完兒憐獸擾卒俾徠臣夏人在廷其

事方議帝趨公來以就予治公拜稽首茲惟難哉

初匪其難其在終之羣言營營卒壞于成匪惡其成惟

公是傾不傾不危 天子之明存有顯榮歿有贈謚

藏其子孫寵及後世惟百有位可勸無怠

至和三年二月口口日建

碑記仲淹名拜右司諫當太后臨朝聽政時以至日大會前殿上將率百官為壽公上疏言天子無北面云云宋史載其事在拜右司諫前云太后崩名為右

司諫東都事略云出通判河中府久之仁宗記其忠
名爲右司諫在上疏後下云章獻崩又各不同碑云
爲環慶路經略安撫招討使兵馬都部署史云爲環
慶路經略安撫緣邊招討使與碑微異其餘頗同此
碑隸書峭勁多帶篆體真出唐人隸書之上惜下截
及書撰人名字多漫滅杜大珪名臣琬琰集載其全
文是歐陽修所著也王洙宋史有傳墨池編稱其晚
喜隸書尤得古法當時學者翕然宗尙而隸法復興
中州金石攷云有仁宗篆額褒賢之碑今未搨得

中州金石記

碑下損泐與集本參證皆次敘成文至所記文正事
跡亦不異本傳惟碑言通判河中府陳州攷之史亦
云徙陳州則陳州決不可刪今集本無之而別本有
之然則別本宜可從也文正知饒州下碑無明年呂
公亦罷六字又下磨滅自坐呂公貶至置羣議而用
之凡九十一字碑本亦無案邵氏聞見錄文正子堯
夫自削去驩然戮力等語歐公不樂謂蘇明允曰范
公碑爲其子弟擅于石本改動文字令人恨之歐陽
公集與杜訢書又云范公家神刻爲其子擅自增損
不免更作文字發明欲後世以家集爲信是當日文

字上石所為竄易已失原草而近人率然以石本為據豈其足信與故予向所錄每以石本證他本今反以他本訂石本義固各有取也

困學紀聞歐陽公為後老泉編太常因革禮有已行之明驗質之歐公公日諫而不從碑誤此又永叔乘筆自誤非范家子弟所改授堂金石跋

按此碑中多泐字其文則歐文忠公集與宋文鑑皆全載之今取二書參按

二書皆仿宋槧舊本尤為可据泐者補注于旁其不同者復條列之文云資政殿學士戶部侍郎文鑑作禮部侍郎

標題亦作禮部文正未嘗居此官文鑑誤也然戶部侍郎文內並不敘及据東都

事略及史傳皆云加給事中知杭州再遷戶部侍郎徙青州則碑文漏也公生二歲而孤歐集無公

生二字之南都入學舍文鑑作南郡据傳云之應天府依戚同文學則作南都者不誤而文鑑誤也

祥符八年舉進士歐集脫士字為廣德司理叅軍廣德下歐集文鑑事略史傳皆有軍字則碑文脫

也其于富貴貧賤集鑑皆無其字當先天下之憂而憂集鑑當字上皆有士字亦碑文脫也通判河

中府陳州集鑑皆無陳州二字集原注云一有陳州所謂一有者即指別本也而不知碑原有之以

金石錄編卷之二十四 宋十二

金石錄卷一百三十四
至日大會前殿集鑑皆同史傳亦云將以冬至受
朝涑水記聞亦云冬至立仗惟東都事略作元日
弱人主以彊母后漸集鑑漸上皆有之字碑文脫
也又上書請還政鑑與碑同集脫又字告以順逆
成敗之說甚辯鑑脫成字公爲環慶路公字上集
有以字遷諫議大夫遷字上集有累字築清澗城
文鑑同歐集作青澗東都事略及宋史地理志亦
皆作青澗則碑與文鑑訛也復承平永平廢寨事
略史傳文鑑皆同歐集脫永平二字奪賊地而耕
之集鑑皆無此六字集原注云蘇本有之細腰胡

盧傳作胡蘆文鑑訛作胡廬明珠滅臧等大族文
鑑訛作大賊邊制久隳鑑作邊壘至其大順也大
順上集鑑皆有城字碑文脫也至柔遠至字上集
鑑皆有軍字至於版築之大小畢具之字下集鑑
皆有用字亦碑文脫賊旣失計集鑑皆無旣字集
原注云一有旣字諸蕃質子鑑作諸羌公居三歲
集鑑同集原注云蘇家本作二旣而黥以爲軍鑑
脫爲字但刺其手鑑同集作但刺其臂上之用我
者至矣集無者字但相與騰口鑑同集騰作滕亦
幸外有言鑑同集脫言字兼陝西四路安撫使鑑

脫四字而復其故言者以危事中之賴上察其忠不聽是時夏人已稱臣文鑑無故言者至不聽是止凡十六字似係脫誤又言者下集有遂字危事集作危言使就問其家所欲爲集鑑皆無爲字集原注云蘇本有爲字其行臨事集鑑皆作其行已臨事碑脫已字自搢紳處士集鑑俱作山林處士集原注云山林一作搢紳銘詞與時偕逢集時作世兒憐獸擾鑑同集作鬼隣獸擾茲惟難哉鑑惟作爲其在終之集鑑俱作在其終之至碑文之與歐集文鑑大異者凡涉呂夷簡事碑皆刪之如知饒州下集鑑皆有明年呂公亦罷公七字趙元昊反河西下集鑑皆有上復召相呂公六字至今尤多下集鑑皆云自公坐呂公貶羣士大夫各持二公曲直呂公患之凡直公者皆指爲黨或坐竄逐及呂公復相公亦再起被用於是二公驩然相約戮力平賊天下之士皆以此多二公然朋黨之論遂起而不能止上旣賢公可大用故卒置羣議而用之凡九十一字此蓋碑文有意刪去者卽聞見錄所謂文正子堯夫削去驩然戮力等語歐公不樂之事也玩聞見錄語堯夫刪削歐公及見之然


朱子名臣言行錄載此一條末注碑字則朱子當時所見碑文此段又似未嘗刪也不然則朱子何不据他書而引碑文耶又或者朱子之世洛陽立碑之所已屬金土朱子不得見揭本仍据歐集所載之碑文耳且東都事略於文正傳亦節取此條即宋史傳亦云夷簡再入相帝諭仲淹使釋前憾仲淹頓首謝曰臣鄉論蓋國家事於夷簡無憾也是文正之與吕相不協仁宗深知之此事可以不諱不知何以刪去實不能推原其故也其餘碑與諸書互有詳略之處無大關係亦可不辨歐公撰

文碑泐其結銜之後半故姓名不見書者王洙亦存系銜之前半而姓名尙見史傳稱既葬帝親書其碑曰褒賢之碑今揭亦未見不知存佚何如也

柳子厚祠堂記

石橫廣三尺七寸高二尺七寸十三行行十字正書

子厚謫永十餘年永之山水亭榭題詠固多矣韓退之謂衡湘以南為進士者皆以子厚為師其經承子厚口講指畫為文詞者悉有法度可觀今建州學成立子厚祠堂于學舍東偏錄在永所著詞章漆于堂壁俾學者朝夕見之其無思乎至和三年丙申二月二日尙書職



方員外郎知永州柳拱辰記

白水路記

摩崖高一丈七寸廣七尺二寸二十六行行三十七字正書篆額

大宋興州新開白水路記

宣德郎守殿中丞知雅州軍州兼管內橋道勸農事
管勾駐泊及提舉黎州兵甲巡檢賊盜公事騎都尉
俗緋雷簡夫撰并書篆額

至和元季冬利州路轉運使主客郎中李虞卿以蜀道
青泥嶺舊路高峻請開白水路自鳳州河池驛至口州
長舉驛五十一里有半以便公私之行具

報即預畫材費以待其

可明季春口興州巡轄
馬遞鋪毀直喬達領橋閣并郵兵五百餘人因山伐木
積于路處遂籍其人用訖是役又請知興州軍州事虞
部員外郎劉拱揔護督作一切仰給悉令為具命簽署
興州判官廳公事太子中舍李良祐權知長舉縣事順
政縣令商應程度遠近按視險易同督斯眾知鳳州河
池縣事殿中丞王令圖首建路議路占縣地且十五餘
里部屬陝西即移文令圖通幹其事至秋七月始
可其奏然八月行者已走新路矣十二月諸功告畢
作閣道二千三百九間郵亭營屋綱院三百八十三間

金石錄卷一百三十四
三
減舊路三十三里廢青泥一驛除郵兵驛馬一百五十
六人騎歲省驛稟銷糧五千石畜草一万圍放執事役
夫三十餘人路未成會圖圖李遷東川路今轉運
使工部郎中集賢校理田諒至審其績狀可成故喜猶
已出事益不懈於是斯役實肇於李而遂成於田也嘉
祐二年三月田以狀上且曰虞卿以至和二年
仲春興是役仲夏移去其經營建樹之狀本與令圖同
臣雖承乏在臣何力願朝廷旌虞卿令圖之
勞用勸來者又拱之總役應用良祐應之按視修創達
之採造監領皆有著効亦乞陞擢至于軍士什長而下

並望賜與以慰遠心

朝廷議依其請初景德

元年嘗通此路未幾而復廢者蓋青泥土豪輩唧唧巧
語以疑行路且驛廢則客邸酒壚爲棄物矣浮食游手
安所仰邪小人居嘗爭半分之利或睚眦抵死况坐要
路無有在我遲行人一切之急射一日十倍之資顧肯
默默邪造作百端理當然爾嚮使愚者不怖其誕說賢
者不惑其風聞則斯路初亦不廢也大抵蜀道之難自
晉以青泥嶺稱首一旦避險卽安寬民省費斯利害斷
然易曉烏用聽其悠悠之談邪而後之人見已成之易
不念始成之難苟念其難則斯路永期不廢矣簡夫之

文雖磨崖鏤石亦恐不足其傳口口于尚書職方之籍
之圖則將久其傳也嘉祐二年二月六日記

前利州路諸州水陸計度轉運使兼本路勸農使朝
奉郎守尚書主客郎中上輕車都尉賜紫金魚袋李
虞卿

利州路諸州水陸計度轉運使兼本路勸農使朝奉
郎守尚書工部郎中充集賢校理輕車都尉賜緋魚
袋偕紫田諒

案白水路因江爲名白水江水經注所稱濁水者是
也青泥亦水名太平寰宇記有左溪水入嘉陵江者

卽是水經注漢水又東南于槃頭郡南與濁水合水
出濁城東流與丁令溪水會又東逕武街城南故下
辨縣治也又東宏休水注之又東逕白石縣南又東
南泥陽水注之又東南與仇鳩水合又東南與河池
水合又東南兩當水注之卽故道水又南注漢水

金石記

按白水之名始于漢有白水縣與葭萌縣同屬廣
漢郡歷三國至西魏皆因之隋唐改爲景谷縣五
代縣廢惟葭萌存宋時屬利州路此名白水路者
或亦因其舊縣而稱之也其路起于鳳州河池縣

之河池驛北宋時屬陝西與秦州同路故開路須
移文通幹之也開路至五十餘里作閣道亭屋至
二千六百餘間其功偉矣自陝入蜀棧道之首途
雷簡夫此文可與漢之鄯君開通褒斜道魏之李
苞通閣道題名並垂不朽文紀李虞卿田諒諸人
之功而李田二人史無傳雷簡夫傳但載其知雅
州其於開路之事非其所專故亦不書墨池編稱
簡夫善真行書守雅州聞江聲以悟筆法迹甚峻
快蜀中珍之然不言其工篆書據此碑則兼及篆
額也其聞江聲事詳見書史會要云近刺雅安晝
卧郡閣因聞平羌江瀑漲聲想其波濤番番迅駛
掀搯高下感逐奔去之狀無物可寄其情遽起作
書則中心之想出筆下矣云云而獨不言其嘗書
此碑可知此碑之不傳于世久矣

文潞公宿少林寺詩

石高一尺二寸橫廣一尺二寸五分詩共六行行十
三字撰人并立石刊人共四行字數不等行書在嵩
山少林寺

宿少林寺

保平軍節度使同中書門下平章事判大名府兼北
京留守司事潞國公文彥博

六六仙峯繞佛居俗塵至此暫消除西來未悟禪師意
北去還馳使者車予方受命移守北都五品封槐今尙在九年
面壁昔何如心知一宿猶難覺花藏重尋貝葉書

嘉祐五年四月一日給事郎守太子中舍知河南府
登封縣兼管句崇福宮事燕若拙立石

崇福宮副宮主明教大師董道紳

掌文籍賜紫王崇祐同摸刊

按文氏停雲館帖載潞公書與此不似公爲有宋名
臣書史稱其筆勢清勁不愧古人此碑或立石時代

書歟說

右宿少林寺詩保平軍節度使同中書門下平章事
判大名府兼北京留守司事潞國公文彥博所作保
平陝州軍額太平興國中賜名也潞公嘉祐三年罷
政以河陽三城節度使平章事判河南府後改保平
軍節度判大名府詩有西來未悟禪師意北去還馳
使者車之句自注予方受命移守北都蓋移守之命
已下而未離河南也宋之盛時大臣進退以禮潞公
以故相在外而恩遇不替無憂讒畏譏之心又州郡
守臣更代之際登臨山水觴咏如平日蓋上之察吏
不苛以簿書期會之細而事亦未嘗叢脞而不治真

可謂太平之象矣

潛研堂金石文跋尾

萬安橋記

碑高廣皆一丈一尺三寸許十二行行十三字正書在泉州府

泉州萬安渡石橋始造於皇祐五年四月庚寅以嘉祐四年十二月辛未訖功衆趾于淵釀水爲四十七道梁空以行其長三千六百尺廣丈有五尺翼以扶欄如其長之數而兩之靡金錢一千四百萬求諸施者渡實支海去舟而徒易危而安民莫不利職其事盧錫王寔許忠浮圖義波宗善等十有五人既成大守莆陽蔡襄爲之合樂讌飲而落之明年秋蒙

出因紀所作勒于岸左

萬安天下第一橋君謨此書雄偉迥麗當與橋爭勝

結法全自顏平原來惟策法用虞永興耳晝錦堂差

近之荔枝茶譜不足道也

舟州山人藁

君謨此記原係兩石嘉靖中遘倭患燬其半土人取

舊本摹補之前一片仍舊刻也

書畫跋跋

鄭杓子經著衍極取古今十三人謂公書起五季之

衰萬安爲摩崖之苗裔可謂確論蓋大書不難于矩

獲而難于得天真趣多今以此觀之只似作蠅頭小

楷此固其過人者

蒼潤軒帖跋

按福建通志萬安橋在泉州府城東北亦名洛陽橋皇祐五年郡守蔡襄建襄自爲記手書勒石橋下卽謂此碑也史傳蔡襄字君謨興化仙遊人仁宗朝累以樞密直學士再知福州徙知泉州距州二十里萬安渡絕海而濟往來畏其險襄立石爲梁其長三百丈種蠟于礎以爲固至今賴焉名爲翰林學士此記云明年秋蒙召還京蓋卽名爲學士時也墨池編稱君謨真行草皆優入妙品篤好博學冠絕一時周必大平園集稱蔡忠惠公大字端重沈著宜爲本朝法書第一洛陽橋記與吐谷渾詞皆大書之冠冕也然則萬安橋當南宋時已有洛陽之稱但不知何所取義而名洛陽未有人論及者

祈真巖題名五段

石橫廣四尺高二尺九行行七字左行正書

天章閣待制新知襄州劉元瑜君玉殿中丞知弋陽縣高思永延之贊善大夫知貴谿縣李孝傑才孺同遊昭真觀王先生巖嘉祐庚子歲暑七月日才孺誌

又二行行十二字正書刻在前題名之右

提舉常平何琬貴溪令馬持國熙寧丙辰九月廿九日

同游

又石橫廣五尺二寸五分高二尺九寸七分十行行六字正書

宣和五年四月四日來訪招真之館峭壁四立巉巖中虛羽人之所棲託清塵外思致遐想僊人王儵之高風低回留之不能去遂寓書于崖壁豫章洪口記

又石橫廣三尺八寸四分高一尺九寸三分七行行四字正書

嘉泰改元五月既望臨川王松年同建安熊仲機叔虎來遊克勤侍行

又石橫廣六尺四寸七分高一尺九寸五分前所真巖三大字正書後有題名五行行五字隸書

祈真巖

宋淳祐丁未羈人余鍊涂直諒約邑人潛增發鏜口應茂學來游

金石萃編卷一百三十五

賜進士出身

誥授光祿大夫刑部右侍郎加七級王昶謨

宋十三

澹山巖詩刻二十四段

石高二尺八寸廣二尺六寸七行行八字正書

尚書駕部員外郎監零陵郡事尹瞻

岌巖元化精蘄巖大塊坼駭若盤古時呀然巨靈擘狀

怪嘔風雷勢邈吞山澤寒暑中外分居僧甘窟宅

又高一尺九寸廣一尺六寸三分八行行八字正書

郡進士蔣緯

風生崖木響靄散洞門寬幽徑盤危入青天一面看三
冬僧定暖五月客游寒縱有通神筆亦應圖出難

嘉祐六年正月廿四日孫州院孔目官襄上石并書

又 高二尺七寸廣一尺三寸
三分六行行十四字正書

尚書都官郎中通判軍州事樂咸

門開巖底洞沈沈竇乳雲泉矢路深香石峭峰千載異
龍潭幽穴四時陰僧居築室隨高下客到畱題見古今
南出零陵一舍地清瀟堤上好追尋

治平三年正月十五日書

又 橫廣四尺五寸高三尺五寸
十八行行廿一字正書

蔣之奇字穎夫

零陵水石天下聞澹山之勝難具論初從巖口入地底
始見殿閣開重門乃知茲洞最殊絕洞內金碧開祇園
寬平可容萬人坐仰視有若覆盎益虛明最宜朝日照
陰晦常有靄雲屯盤虬夭矯垂乳下異獸突兀巨石蹲
香山一株在崖壁人跡悄絕不可捫靈仙飛遊享此供
常駕鸞馭乘雲軒我來正逢秋雨霽氛翳開廓陽景溫
呀然雙穴露天半籠絡萬象將并吞只疑七竅混沌死
五竅亡失兩竅存神奇遺跡未泯滅至今猶有斧鑿痕
雲床石屏極隈隩昔有居士嘗潛蟠避秦不出傲聘召

金石錄卷一百二十五
美名遂入賢水源咸通嘗爲二蛇窟元暢演法蛇輒遷
從茲其中建佛刹棲隱不復聞世喧惜哉此境久埋沒
但與釋子安幽禪次山子厚愛山水探索幽隱窮晨昏
朝陽迫迤若就狴石角禿鬣如遭髡豪篇矜夸過其實
稱譽珉石爲瑱璠環觀環賞欲奄有不到勝處天所慳
嗟予至此駭未覩不暇稱讚徒驚歎恨無雄文壓奇怪
好事略與二子班蕪詞願勒岳上石勿使歲久字滅漫
熙寧九年正月廿二日過此書
容文高二尺六寸五分廣一尺五寸六行行十字正書
一景曲彎彎初遺号澹山崖邊煙草亂石上雨苔班客

在長時望僧居永日閑幾迴將欲去心只在巖間

熙寧九年丙辰歲安定胡奕題

又高七尺四寸廣三尺二寸五分七行行十九字廿字不等行書

山谷老人黃庭堅

去城二十五里近天與隔盡俗子塵春蠹秋蠅不到耳
夏涼冬暖揔宜人巖中清磬僧定起洞口綠樹僊家春
惜哉淡山世未顯不得雄文鑿翠珉
淡山淡姓人安在徵君避秦亦不歸石門竹徑幾時有
瑤臺瓊室至今疑山中明潔坐十客亦可呼樂醉舞衣
闡州城南果何似永州淡巖天下稀

又橫廣二尺八寸高一尺九寸十
五行行九字十字不等行書

進士蔣緯

風生崖木響靄散洞門寬幽徑盤危入青天一面看三
冬僧乞暖五月客遊寒縱有通神筆亦應圖出難

昔郡守王公世則遊是崑讀此詩至青天一面看輒

驚歎曰崑中竒處此句道盡遂相与為詩友士大夫

雖傳誦此詩至今終不知其因今復易新刻并叙其

事以示觀者建中靖國改元中春望日四世孫務敏

謹識

又三行行十三字行書
此刻在蔣緯詩之左

古木懸秋月空雲結洞天崑中人不見歸去竟忘年

時為巡撫頤書口來遊口口口口口口口口口口識

又高四尺七寸五分廣三尺十
行行十四五六字不等行書

乘暇率僚友訪澹山祗闕御書清談久之偶成以

豁其思

棠陰蕭爽訟詞稀乘暇齋莊一陟危雲漢昭回神

聖畫珠璣焜耀古今詩清談習習風聲起薄暝霏霏雨

脚垂它日玉堂誇勝踐畫圖應展淡山竒

同遊者為誰譙國曹宗文元伯廬江何允太和長沙

何谷應求臨江何昌辰利見吳興沈充彦端宣和

二年歲在庚子季冬十有七日江夏黃同學古書

又高三尺四寸廣一尺五寸廿二行行十一十二字不等行書

建炎庚戌上春十有三日用之同文談先輩偶遊澹

山巖長老琦公接余于寺外且曰不預探知不獲遠

接余笑謂之曰訓狐不相報否琦老即謂余曰提刑

道力行不動塵鬼神容有不知余嘉其不以偽告而

味其言之高也因成二詩以答其意借用山谷老人

韵江都尙用之

我來訓狐無所聞老人戲我不動塵道愧未嘗分寸得

心灰要似尋常人斷崖危絆藤蔓古殘僧靜對桃李春

次山不遇遇山谷俚口妙句垂堅珉

崑深樹綠春長在崑暝雨霽雲初歸天愛護持有神物

蛇去因果無狐疑石田藥曰誰與刻香山乳竇苔生衣

未問城南閩州比此景自是寰中稀

又橫廣二尺七寸高一尺五寸五分十一行行七字九字不等雜書

渡過瀟江日已曛影和明月共三人名崑近郭別州少

好事更誰如我真絕頂有天浮碧樹凌秋無暑斷紅塵

終當早棄人闕事來與山僧作並隣

紹興乙丑七月幙谷游何蕭卿乘月獨遊淡巖書事

兼簡零陵宰君李兄秀實

又高六尺二寸廣二尺五寸七行行十四字正書

起仰高山積有年忽看巖竒鎖雲煙一塵不到非凡地
六月當知不暑天昔有秦人嘗穴處世從山谷始名傳
品題自古因人重我謾邀僧煮石泉

清源留筠端父嘉芝丁丑抄冬八日行郡來遊與僧

文思酌衡嶽茗誦山谷詩徜徉久之因識歲月

又高四尺八寸八分廣二尺二寸二分六行四行行十四字二行行廿二字正書

坤靈擘罅天幻奇一到僊凡覺兩岐處士清風存萬古
詩翁雅句見當時洞深不礙烟雲逸丹就那知日月遲
更上層臺瞻佛像媿無法語勘狐疑

郡丞三山王子申携家偕臨汝董叔雲口蒲同遊皆

嘉定庚辰孟冬九日男憲孫穎孫侍行因留唐律以

紀歲月云

又高三尺八寸廣二尺七寸十行行十四字行書

郡丞晉陵張友仁仲父呂紹定庚寅二月十六日遊

澹巖賦水調歌

石屋勢平曠峭壁幾巉崑妙哉天造地設誰復謂神剜
疇昔涪翁題品曾說人寰稀有豈特寄湘南趨取脚輕
健相與上高寒避秦者君莫問意其間祖龍文密至
今草木尙愁顏贏得功成丹鼎久矣乘風而去跨鶴與

駢鸞猶有白雲在鎮日繞禪關

又高三尺四寸廣二尺七寸十一行行十三四字不等正書

澹氏人安在縹緲九霄間我來唯有石屋周覽百等寬

一曲中分夷險兩牖空光平布滿洞貯清寒高致自堪

仰何必論金丹周贇士知此意薄秦官一牀一枕依

然猶伴白雲閑門外倍塵如海門裏道心如水談笑足

回瀾此事無今古不信叩嶠山

伊維吳千能守瀟湘八閱月迺得游淡巖真天下奇

觀也賦水調刻諸石弟千兕子奕侍客蔣涇曹昌佑

偕行紹定庚寅清明日

又橫廣三尺六寸高三尺一寸八行行七字正書

紹定六年歲在癸巳二月二十六日郡丞嘉興婁續

祖題永州淡岳

岳肩寂寂幾經春中有神僊隔世塵不假棟梁為大廈

盡藏今古往來人

又橫廣二尺二寸高一尺六寸十一行行十二三字不等行書

憶昔游淡岳文社四為侶相逢各年少抱負俱有素訓

狐聖得知夜半叫已婁主人知客來倒屣相告語且言

龍王神多有靈異處慇懃扣科名吉兆齊確許未成三

先達陸續霄漢去轉盼三十載獨我尚困沮行將賈餘

勇猶幸有孤注乘興偶重游寓敬香一炷再拜問龍王
前約何可負朱衣願點頭成就在此舉擬欲鑿堅珉紀
此一奇趣

浯溪郭三聘次尹紹定癸巳中秋偕唐可大周衡仲
重遊感舊賦詩問訊龍王之神刻翠嚳以彰靈跡姑
俟異日殊老證明

又 高三尺五寸三分廣三
尺九行行十四字正書

爲愛溪山來永州黃茅白葦使人愁驅車遙指崙峯去
峯在瀟江最上頭江轉峯回景奇絕澹山嵌竇真天設
摩抄丹竈酌石泉髣髴曾遊今幾劫徵君徵君苦避秦

一秦人又一秦人青山踏破無肩鐻何地堪逃世上塵

景定壬戌四月望郡從事眉山文有年題於是吾宗

默庵開堂之三日也

又 橫廣三尺六寸高二尺
一寸十行行七字行書

永州淡巖天下稀山靈妙斲涪翁知蹲猊翔鳳獻穎異
中有僊佛來娛嬉我生骨相口冰雪心境相口口懌悅
緣輕自笑來已遲猶見巖前古時月

景定壬戌陳宗禮書 住山應遠上石

又 高二尺九寸廣二尺六
寸六行行十字行書

巖竇天下奇黃詩天下稀洞明無所隱石執爭欲飛雷

鼓今猶在澹仙何未歸磨崖文斷滅苔蘚却成衣

景定癸亥中秋二日會稽張遠猷書

又此刻在張遠猷之左三行

使君得佳句簡存如猗那着之巖石中千古不可磨

中住山門僧紹瑤謹誌

水又高三尺二寸廣一尺四寸十

舟艤澹巖前巖扁不記年臺高先得月石透可通天洞

古依禪刹碑殘紀昔賢勝遊回首望林麓鎖雲煙

景定甲子仲冬蜀東如齋文子璋自道之吉艤舟岸

下挈家來遊男起傳道傳侍

又橫廣三尺高一尺八寸十行行七字行書

清江趙口口

巖扁二里鎖煙霏天下名山此本稀硬石穿空誰運斧

寒冰滴雪欲添衣仙遊塵外杜蘿老僧住山間笋蕨肥

自嘆微官猶縛我倘容卜築定忘歸

咸淳壬申九月范陽同年示及零陵三題率然為荅

甚愧妍唱

又石橫廣四尺高三尺五寸十六行行十四字正書

荆湖南路轉運使尚書祠部員外郎俞希孟

火星巖

信美真靈宅呀然洞府通
皇家尊盛德南夏享陰功
廟貌鄰炎帝峯名比祝融遊人思所謂無獨愛嵌空

朝陽巖

旭日多橫照幽巖得粹華次山名此地瀟水匯其涯峭
壁生雲葉危根濺浪花終携羨門侶晨坐燕朱霞

澹山巖

巖腹潛雲搆清涼十畝間天畱盤古穴人識寶陀山壞
像煙嵐濕高僧歲月閑聖時無遁客佳境付禪關

又

石橫廣三尺九寸高一尺九寸五分
廿三行行十一十二三字不等草書

澹巖六韻奉呈
遜叔侍郎兼寄惠照禪老

河南潘正夫

祝融之南近湘濱地口口開戡翠珉金闕不關口世設
丹葩爭放洞宮春遲留杖屨尋真慣悵望煙蘿入夢頻
口罷空口爛柯客口口多失避秦人口口石棧仙風迥
靜對巖扉口色新借問詩翁與禪伯如何口口許為鄰

遜叔嘗約寺
僧讀書巖中

次韻奉和
蒙著太尉澹山見示長句

澹巖宛在進江濱多少篇章刻翠珉聞道
鳳凰將九子恰逢花木正中春
是日春分杖游豈為知名久歷覽縣知
嘯侶頻林外鳥聲應報
客溪頭梅子已生人茆茨

信我無三頤物象因君遂一新試口携筇採靈草
口口何必與口鄰

按澹山巖詩刻二十四段凡五七言古近體詩二

十八首內重出一首水調歌詞二闕詩不見錄於紀事

詞不覓錄於詞綜作者及題名姓氏可見者三十

六人而泐者不與焉其見于史傳者四人蔣之奇

已詳前卷彼但有題名而無歲月此則刻詩而署

云熙寧九年正月廿二日題名當亦同此時也山

谷老人黃庭堅題七古詩二首豫章黃先生文集

亦載此二詩皆無歲月攷年譜崇寧二年畱鄂州

十一月有宜州謫命三年自潭州歷衡州永州全

州靜江府以趨貶所三月泊浯溪十四日到永州

有題淡山巖詩二首是此詩作於崇寧三年三月

也廬江何兌太和史有何兌者昭武人附見忠義

馬伸傳伸依程頤門以學受中庸以歸兌復受學

于伸伸歿兌嘗輯其事狀但傳不言其宣和時有

官永州之事未知卽一人否也陳宗禮字立之淳

祐四年進士累直煥章閣遷祕書監以監察御史

虞慮言追兩官送永州居住景定四年拜侍御史

此題在景定三年壬戌正居住永州時也此外有

尚用之見宋詩紀事載蒙亭倡和長句張洵倡尚
用之和有序略曰嘉祐中經略吳公及卽伏波巖
之左以爲亭名蒙漕使李公師中記而鑿於巖之
崖亭久埋廢記亦湮滅紹聖改元龍圖閣胡公宗
回帥桂林憲使梁公出其家藏蒙亭記以觀胡公
斥基而新之云云詩從粵西詩載錄出此題是建
炎庚戌距紹聖改元又三十七年不知卽一人否
紀事不詳用之事跡而此則著其貫爲江都人姑
識以備攷餘俱無攷

李屯田勸農示

石高三尺六寸廣二尺三寸十行行十七字正書

勸農事

提刑屯田員外郎李

每因讀刑

禁旬狀見人民多因小事爭鬪致有殺傷雖骨肉至親
不相容忍此深可哀憫蓋勸農親民官不本教化所致
今後令佐須曉諭鄉老令勸率子弟勤於田農孝養父
母內外和順不相欺凌民無交爭則無橫死自然天道
與人事相應無水旱凶災令佐不得輕遠方以爲不可
教誨况此人民曉事教誨必聽切在遵凜

大宋嘉祐六年辛丑六月一日龍隱岳釋迦寺傳天
台祖教沙門口口上石

蘇文忠獨遊南山詩

石橫廣三尺三寸高二尺六寸寸行十字正書

獨遊南山詩

趙郡蘇軾子瞻

壬寅重九以不與府會故獨遊至此有懷舍弟子由
花開酒美曷不醉來看南山冷翠微憶弟淚如雲不散
望鄉心與鴈南飛明年縱健人應老昨日追歡意已違
不向秋風強吹帽秦人不笑楚人譏
元祐庚午秋天王院僧口口
鳳翔府天興縣尉林口

按此詩文忠自署云趙郡蘇軾子瞻史傳稱為眉
州眉山人即穎濱撰墓誌銘亦稱世家眉山此獨
題趙郡其詩以施注蘇詩本校之此首在續補遺
卷中題云壬寅重九不預會獨遊普門寺僧閣有
懷子由此題則云壬寅重九以不與府會故獨遊
至此有懷舍弟子由彼此互有詳略東坡先生年
譜嘉祐七年壬寅先生年二十七官於鳳翔傳稱
嘉祐五年調福昌主簿歐陽修以才識兼茂薦之
祕閣試六論除大理評事簽書鳳翔府判官即是
時也陝西通志普門寺在鳳翔府東一里唐建有

王建吳道子壁畫其曰獨遊南山者似是指府西北三十里之雍山卽水經注雍水出雍山者也鳳翔有山皆在西北東北而南面無山此詩云來看南山冷翠微者亦借用陶詩悠然見南山語非實有所指也詩中與集本不同者花開酒美曷不醉集作花開酒美盍不歸此顯然是集誤是時文忠官府判不預府會故云曷不醉若云盍不歸則無謂矣不向秋風強吹帽集作不問亦訛未題元祐庚午秋庚午爲元祐五年殆立石之年歟

韓愷墓誌銘

石高廣俱二尺四分十八行十八字正書在安陽縣

韓愷墓誌銘并序

叔祖開府儀同三司行刑部尙書同中書門下平章事昭文館大學士監修國史上柱國儀國公琦撰并書

愷字和仲余姪殿中丞公彥之次子母仁壽縣君張氏愷天性孝謹幼識禮義讀書彊記而善屬文嘉祐三年秋方應進士舉而兄確物故是冬其父病愷躬進藥劑晝夜侍側不解帶者累月及父之亡也哀毀過甚不能自抑旣而感疾遂不可治五年四月二十二日卒時年

金石錄卷一百三十五
二十噫愷之所稟可謂粹美矣使天稍畀以年則其治家也有不順而睦乎其得仕也有不忠而幹乎奈何乎吾家之不幸而賦命之短也七年十一月二十九日因余妻安國夫人崔氏之葬乃於相州安陽縣新安村先塋東百步之近得地吉用丙穴以葬愷銘曰
秀而不實夫子之嗟哀哉愷兮遽如是邪

碑云愷字和仲余姪殿中丞公彥之次子又云乃于相州安陽縣新安邨先塋東百步之近得地吉用丙穴以葬愷蓋附國華冢也方志載韓氏墓甚詳獨遺愷墓賴有碑碣以存之耳

中州金石記

按韓琦撰文結銜有行刑部尙書史傳載嘉祐元年召爲三司使未至迎拜樞密使三年六月拜同中書門下平章事集賢殿大學士六年閏六月遷昭文館大學士監修國史封儀國公未嘗有行刑部尙書也宰輔表嘉祐元年八月癸亥韓琦自三司使加檢校少傅依前行工部尙書樞密使三年六月丙午自樞密使工部尙書依前官加同平章事集賢殿大學士監修國史是表之所有工部尙書傳并略之而碑之行刑部尙書表亦略之一系銜之微而碑與表傳互異若此

石林亭唱和詩

石高三尺九寸二分廣一尺九寸共十六行行二十七字正書額題京兆唱和四字篆書在麟遊縣

石林亭詩

翰林侍讀學士尚書禮部郎中永興軍路安撫使兼知軍府事劉敞

朝廷人忘返山林往不還念無高世姿聊處可否閒
築基傲崔嵬鞭石輕險艱羣玉相磊落萬峯正孱顏
種樹亦蒼蒼激流復潺潺澗浚在眼崑闔若可攀
自我嬰世網邇來鬢毛斑丘壑誠若喪簿書常自環
及爾滅聞見曠如遠塵寰豈敢同避世庶幾善閉關
子牟困懷魏

謝傅悲徂山茲焉可遺老詎敢終歲閑

次韻和

將仕郎守大理評事簽書鳳翔府節度判官廳公事

蘇軾

都城日荒廢往事不可還唯餘故苑石漂散尙人間
公來始購蓄不憚道里艱盡從塵埃中來對冰雪顏
瘦骨拔凜凜蒼根漱潺潺唐人惟奇章好石古莫攀
盡令屬牛氏刻鑿紛斑斑嗟此本何常聚散實循環
人失亦人得要不出區寰君看劉李末不能愛河關
况此百株石鴻毛於太山但當對石飲萬事付等閑

嘉祐七年十二月十五日將仕郎守縣尉兼主簿
事李邵書

登仕郎試秘書省校書郎守鳳翔府麟遊縣令郭九
齡建

按石林亭倡和詩刻在陝西鳳翔府麟遊縣今陝
西通志古蹟不載石林亭其詩倡者劉敞和者蘇
軾施注蘇詩編此詩在嘉祐六年辛丑十二月按
東坡先生年譜不載此詩先生以六年十二月赴
鳳翔任初到匆匆似不暇與安撫倡和况李邵書
此詩在七年十二月十五日則詩亦當以七年作

恐原編或有誤也此詩題云次韻和劉京兆石林
亭之作石本唐苑中物散流民間劉購得之詩有
云唐人唯奇章好石古莫攀盡令屬牛氏刻鑿紛
班班注引白樂天太湖石記云今丞相奇章公嗜
石於此物獨不謙讓東第南墅列而置之以甲乙
丙丁品之各刻于石陰曰牛氏石甲之上丙之中
乙之下按奇章公牛僧孺也劉敞字原父臨江新
喻人傳稱其累以識論與衆忤求知永興軍拜翰
林侍讀學士碑系銜有尚書禮部郎中稽之東都
事略及史傳皆略簿尉李邵縣令郭九齡無攷

昌黎五箴

石高三尺五寸六分廣二尺二寸四分二十四行行三十二字篆書

五箴

并序

昌黎韓愈

狄道李宗書

人患不知其過既知之不能改無勇也余生三十有八
率髮之短者日益白齒之搖者日益脫聰明不及於前
時道德日負於初心其不至於君子而卒為小人也昭
昭矣作五箴以訟其惡云

于少之時將求多能早夜以孜孜于今之時既飽而僖

早夜以無為烏呼余乎其無知乎君子之棄而小人之

歸乎

言箴

不知言之人烏可與言知言之人默焉而其意已傳幕
中之辯人反以汝為叛臺中之評人反以汝為傾汝不
懲邪而嗷嗷以害其生邪

行箴

行與義乖言與法違後雖無害汝可以悔行也無邪言
也無頗欬而不死汝悔而何宜悔而休汝惡曷瘳宜休

而悔汝善安在悔不可止悔不可爲思而斯得汝則弗思

好惡箴

無諄而好不觀其道無諄而惡不詳其故前之所好今見其尤從也爲比捨也爲讐前之所惡今見其臧從也爲媿捨也爲狂維讐維比維狂維媿於身不祥於德不義不義不祥維惡之大幾如是爲而不顛怖齒之尙少庸有不思今其老矣不慎胡爲

知名箴

內不足者急於人知怖焉有餘厥聞四馳今日告汝知名之法勿病無聞病其暍暍昔者子路惟恐有聞赫然千載德譽愈尊矜汝文章負汝言語乘人不能掩以自取汝非其父汝非其師不請而教誰云不欺欺以賈憎掩以媒怨汝不曾悟以及於難小人在辱亦克知悔及其旣寧終莫能誠旣出汝心又銘汝前汝知不顧辱則宜然

大宋嘉祐八年春二月初吉

宣和六年三月旣望男玠摹上石

姚彥刊

右昌黎五箴書之者爲狄道李宗山谷跋是書作李康年又有李康年篆書心經跋云江夏李康年字樂

道是宋一名康年而樂道其字也東坡亦云江夏李
康年博學好名小篆尤精二公精于書法自應不爽
但此書似于肉勝略無清健瘦硬之氣乃山谷云樂
道白首心醉六經所著書章程句斷不類今時書生
晚悟篆籀下筆自可意直木曲鐵得之自然秦丞相
斯李少監陽冰不知去樂道遠近也得無張之太過
知名箴云昔者子路惟恐有聞赫然千載德譽愈尊
其解魯論與今絕異細思此解實為有理是卽君子
恥聲聞過情之意也不知韓公論語筆解中亦作如
此箋註否

金石存

寂於宋不甚著名筆格方整可觀惜其有譌體處書
家所不避也

關中金石記

按昌黎五箴據舊刻朱子校昌黎文集有不同者
數處序文不能改無勇也集作是無勇也游箴于
少之時集作余少之時既飽而僖集僖作嬉好惡
箴無諄而好集作無善而好注云善方從杭蜀作
悖此碑作諄是與杭蜀本同誤而不顛怖集作沛
知名箴怖焉有餘集作需辱則宜然集作禍亦宜
然注云禍亦方作辱則似方本多取石刻而朱子
則從本集原文也此箴李宗以嘉祐八年書而男

玠以宣和六年上石耳玠無記跋不能知其摹刻
之由

妙德禪院明覺殿記

碑高五尺八寸廣三尺三寸七分
十七行行二十五字正書在耀州

耀州妙德禪院新修明覺殿記

朝奉郎尚書職方員外郎知同州軍州兼同州牧及
管內勸農事上騎都尉賜緋魚袋借紫雷簡夫撰于
鄉貢進士劉口書

明覺禪師唐異僧也葬於泗而塔祠焉稱曰大聖泗之
南有淮水東注步歷夏秋積雨入淮其水大漲波勢奔

激直衝泗州之城而城不被水害若陰神靈應庇護使
然天下談釋者皆曰大聖力也豈其然哉耀州城中有
佛廟曰妙德禪院僧智燈者嘗詣泗州叩請於塔下塑
像以歸於是設屋爲殿置像於中而庀覆焉曰其殿曰
明覺凡計瓦木工直已費三百餘萬皆燈能致之殿旣
成燈自耀來同請文於予曰耀之民久畏水災以明覺
常有功於泗我教以平等爲心俾又有功於耀使耀之
民事明覺也如泗之民又焉知明覺之功止於泗而不
及於耀也嗚呼耀州其城當溱沮二水之間每歲自初
春後民歛口增固捍提以禦水勢民亦勞矣而一歲之

金石錄卷一百三十五
所賜御飛白字也其下寶畫存焉泣已則又私自念寺祝白君賜如是雖巾箱之秘神明所護非鏤金石不足以久貧無以家唯先墓之廬有置錐焉將刊諸琬礪爲不朽之觀俾千萬年子孫寔寵嘉之較之夸鄉人以組負遺弓而號者不猶愈哉子狀吾意臣詞讓不得命因應曰善恭惟先皇帝之德在臣民在草木在鳥獸其遺風餘烈在史官在宗廟在曼世之傳其在筆墨文字者特其土苴緒餘雖然聽政之隙不用之於田獵聲色而畱意藻翰如是之精非天縱之聖孰能與此哉陳口河南人少取進士弟

有名聲於朝而善爲文其拜賜也方爲祕書丞集賢校理觀其意可知其人時嘉祐八年冬十一月十日京西諸州水陸計度轉運使兼制置本路營田勸農使朝奉郎尚書兵部員外郎充集賢校理輕車都尉賜緋魚袋借紫臣吳充謹記并書丹
朝奉郎守殿中丞知河南府緱氏縣事騎都尉臣陳知和題額

臣王易摸刻

碑上層爲飛白書帝字旁題云勅建大招福寺家佛堂賜進士翰林院學士陳帝字下有寶畫下層爲吳

充記所述陳口喪母在家先帝棄羣臣因刊御書于
先墓之廬也賜書者嘉祐八年正月亦見記中翰林
作瀚林尤前人所未有宋史本紀云至和七年幸寶
文閣爲飛白書分賜從臣歐陽修歸田錄云仁宗萬
幾之暇無所翫好惟親翰墨而飛曰尤爲神妙也玉
海亦多稱仁宗飛白書

中州金石記

億按宋仁宗賜陳繹飛白帝字以充所記賜在嘉祐
八年正月其刻在是年十一月蓋仁宗已升遐而繹
追感立石于招福者也按大蘇集仁宗皇帝御飛白
記爲王誨作亦以其父舉正慶歷中所賜端敏二字

刻石而傳之然則當時宸翰所頒爲世秘寶久矣飛
白字自唐以下余所收及者僅此是又可珍也吳充
題銜京西諸州水陸計度轉運使兼制置本路營田
勸農使朝奉郎尙書兵部員外郎充集賢校理輕車
都尉賜緋魚袋借紫證之宋史本傳惟云歷知陝州
京西淮南河東轉運使亦太闕略宜互證於此碑也
又輿服志太宗太平興國二年詔朝官出知節鎮及
轉運使副衣緋綠者並借紫今銜名借紫之名由此
宋史陳繹傳繹開封人攷充所記乃云河南人又云
繹喪其母居於緱氏之野緱氏地亦近河南或上世

金石錄卷一百三十五
占籍開封而繹現居河南充故以此書之宜有據也
繹本傳爲館閣校勘集賢校理刊定前漢書居母憂
詔卽家讐校今碑云爲秘書丞集賢校理正相符優師

韓國華神道碑

碑高一丈四尺廣六尺二寸三分三十一
四行行九十字正書篆額在安陽縣

大宋故太中大夫行右諫議大夫上柱國南陽縣開國
男食邑三百戶賜紫金魚袋贈開府儀同三司太師中
書令兼尙書令魏國公韓公神道碑銘 并序
推忠協謀同德守正佐理功臣樞密使特進檢校太

師行禮部尙書同中書門下平章事上柱國河南郡
開國公食邑六千八百戶食實封二千四百戶富弼
撰

翰林學士兼侍讀學士朝散大夫尙書吏部郎中知
制誥充史館脩撰判館事輕車都尉太原郡開國侯
食邑一千八百戶食實封二百戶賜紫金魚袋王珪
書

武寧章友直篆額
丞相衛國公使以書來告曰我先人没于大中祥符四
年春三月之甲申葬于慶曆五年春二月之己酉雖論

行有狀誌壙有銘載于史有傳施之幽顯不爲無述然墓在吾里相州安陽縣之新安村有窆棺之碑存諸隧公與我游又嘗陪議軍國於二府知吾家爲詳宜爲我列先人事實刻于其上以表千道燦然使後世觀之者曰此 有宋賢臣之墓可信不惑不待鉤考而後見則吾志畢矣子曰諾按春秋晉侯有子食韓原其後遂以韓命氏六卿裂晉自王又有以韓國爲氏者子孫散適諸郡國其在昌黎者最爲著姓 公卽昌黎之裔也達者歷世不絕遠祖徙居深州之博野四代祖曰又賓事唐僖宗爲鎮冀深趙等州節度判官檢校太子

左庶子兼御史中丞時巢寇亂中原其帥王景崇檄諸鎮兵大破之謀皆出於庶子庶子生二子其季曰昌辭於公爲曾王父終于真定府鼓城令鼓城生璆爲王父少自力學工爲歌詩與晉人李崧徐台符深相善名重一時任廣晉府永濟令避亂又徙居趙郡之贊皇台符爲作詩哀其不達而終其詩甚悲崧乃以其弟之女妻其子構卽公之考妣也考始居于相以文章稱尤妙書奏諸侯府爭辟之能致之者卽一府口治嘗宰貝州之清河始至與民約曰屈法擾人等事吾斷腕不爲惟思利者爲若力之民於是大說然亦畏伏絲毫不敢犯歷

事周晉二代以世亂亦不得進入
海徧選守臣乃命知康州未幾以太子中允卒于官公
漸顯累贈工部尚書有子四人公於次爲第三諱國華
字光弼幼而警絕鄉舉進士
國二年甲稭授大理評事通判瀘州代還遷右贊善大
夫會
詔與相帥擇賢佐改彰德軍節度判官凡從
宦者率以鄉里爲難至則斂鋒鏑一煦以恩公時年尙
少處之氣益勁不爲少損有民李氏者怙富殺人乃厚
以賄州之上下爲汨其情將不寘於死公持之盡抉其
姦隱李卒弃市由是諸豪憚之疊足不敢動公每出按
轡儼然未嘗妄視里人每置酒賭曰有見其左右顧者
飲之至罷去竟不得飲時國用方篋半倚關賦乃升秘
書省著作郎監上蔡稅以監察御史
召彈擊有稜
角巖然望高于臺閣屬
天子議復燕薊揣庭臣
曰安得勇而善辭令者爲我諭高麗出兵西攻契丹以
分其力則吾事可不勞而集旣曰非韓某不可卽假以
太常少卿爲使公馳舸至其國其王負固不時奉
詔公坐館舍遣王書責以慢命且稱
朝廷威德
之盛諸僭僞悉已擒滅遂欲北取故疆以雪晉恥而委
王以方面者其意不已重乎王惟我中國是賴可以得

志諸口雖暫勤而衆實王長世之利也今若不勉

天子怒一日大兵東出先誅不用命者如決海灌燭
火王其無悔王大恐奔走率職明日遣太相韓光元輔
趙抗領兵數萬度浪江以侵契丹且令光等率諸將詣
館門聽命公待以陪臣禮爲指畫方略銜勒而慰遣之
師期未集公又累與王書獎激礪使不得少懈復問
曰深入攻之邪姑挑戰也王報曰已深入矣公得其肝
膽遂復命天子大喜拜右拾遺直史館賜五品服章兼判登聞院入三司爲開坼推官公口開
坼司主出納三部文籍置推官其名不正宜更判事之

號尋

詔改主判三司開坼司遷左司諫充鹽鐵判

官久之契丹大將蕭寧遣使叩雄州約和州將劉福信
之以聞天子因思高麗功立命公走雄州按其

事亦令代福作報書索其情偽寧之意欲我先發公固
願息兵以養民然念國體不可屈書十餘反終不許復
意其譎而有謀乃謝使者急令備邊還奏天子

又大喜益愛其才故事凡曲燕五品以下官非隸館閣
者不預時燕侍臣于苑中公以在鹽鐵例罷史局
不得入侍天子特命直昭文館三司判官兼館

職自公始既又歷判鹽鐵度支戶部三勾院改左計司

判官主計者嫌其守口口口下密讒于帝帝雅
信公即日詔摠判三勾賜三品服章仍令宰相召
于政事堂諭旨讒者大沮公圖報益自奮條三司不便
事二十七上之官民偕利後無以易者遂爲著法俄出
爲京東轉運副使卽拜峽路轉運使峽爲險遠一路官
俸薄不可責以廉公奏益之至今峽中官德公不已

真宗卽位入判大理寺自始登尙書秩至是凡五
遷爲職方郎中出知河陽徙潞州會契丹由梁門入寇
河朔分兵略太行其鋒甚銳潞人恐公以精騎屯吳兒
谷扼其奔衝賊遂不敢犯其境又率卒道糧以餉朔軍

王師大濟

帝嘉之褒以璽書景德初契丹再寇

澶淵驟請脩好

朝廷以其多變詐使絕域者難其

人人亦憚其往故首命公假祕書監爲國信使江南飢
又遣巡撫專一道之政還朝權開封府判官出知

曹州拜太常少卿徙泉州

天子封泰山擢爲諫

議大夫召歸道病卒于建陽驛泉人聞之傾一州
來會哭久不忍去朝廷舉卹典賜一子官所以慰

其旅竄也公儀相魁頌有偉量與人接坦然必盡其誠
不露形跡亦不設機鍵尤篤於孝友常恨祿不逮親居
多感涕凡俸賜悉分惠宗黨不問疎密姑姊數人孀且

老皆迎歸奉之以終其身又爲外姻之貧者畢嫁娶復與營其生事教子舍悉用經術而濟之以嚴法得任子不與奏蓋欲使其自致也故諸子多能踐其世科公沒後布衣者尙三人焉噫公年十九時已入官壽雖止五十五而其閒從政者幾四十年可謂久矣事一兩朝不懈夙夜國家每有急難處必首被選委又在計庭更八任不得解迹其所從來不爲不遇中外望歸謂必大用天子亦屢欲用之而公素方整守道權倖者多不說故每爲其所閒而止公惟所任莫不竭其力不以抑墜自憊而遂浮沈于時向若得所用如人

之所望者經綸設施布宣光昭其爲功德非古賢執與校之哉娶羅氏諫議大夫延吉之女鄴王紹威之孫封宜城縣君六男球湖州德清尉瑄將作監主簿瑒司封員外郎兩浙轉運使琬河陽司法叅軍璩祕書省著作佐郎或自耕舉或由蔭授方以才名並進而不幸繼亡琦相仁宗皇帝被遺制立今天子爲門下侍郎兼兵部尙書同中書門下平章事昭文館大學士衛國公望臨天下勲冠列辟以公積德儲慶所宜身享厚報然恨早世不克待其發而發于丞相丞相以似以繼其傳之者可涯邪二女歸于衛尉卿高

口寧丞相貴累贈公與祖尚書會祖永濟三代並太師
 中書令兼尚書令又啓魏燕冀三國皆追封爲公妣羅
 氏祖妣李氏曾妣史氏亦以魏燕齊三國追封爲大夫
 人銘曰
 士孰不官 公官獨難 使臨東夷 跨海渺漫 指
 麾出師 勢分狄患 王始倔强 恃遠且艱 視詔
 抹刺 不奉以虔 公怒移書 以何以言 口以禍
 福 日星之觀 王雖島酋 聞義惕然 發兵餽糧
 革頑易慳 對盧禔陸 伏命館門 能俾遠夷
 舉國奔職 不憚已勞 不畏隣隙 又俾強虜 歛

其毒螫 二邦口公 一舉斯得 繼走朔陲 議收
 戈戣 坐策立判 虜姦不施 不爲其欺 國不挫
 威 兩使外禦 天子再怡 益之衆美 大用是宜
 而卒不用 讒人之爲 復不永年 道卒遐裔
 與考同之 勤官攸致 位不都躬 華于幼嗣 曰
 將日相 勲德名世 本支原流 公得何異 何以
 畀之 天相其類 天實使然 人亦靡然 口口口
 然 其昭昭然

嘉祐八年十一月十四日建
 中書省玉冊官王克明褰億刊

金石錄卷一百三十五
案碑後載國華娶羅氏諫議大夫延吉之女鄴王紹
威之孫封宜城縣君据魏公爲太夫人胡氏墓誌云
夫人父諱覺始仕孟氏名在朝籍乾德三年太祖平
兩川例遣歸闕生夫人於京師久之不得調卒夫人
從母李氏適故秦王牙吏王慶王被譴左右皆得罪
家族無依遂以夫人歸於太師是胡氏爲諫議側室
又生魏公於泉州亦當以附書然富公撰碑獨不稱
者亦以嫡統之金石正例也若懶真子云國華嘗仕
於蜀蜀中士人胡廣善相術與魏公所述名覺者異
又胡覺旣亡歸夫人於韓氏實不自覺而懶真子

傳聞之詞不足据依予故附此爲辨之以見野聞不
可信如此後載武寧章友直篆額友直見二體石經
周禮殘碑有其名皇宋書錄章友直字伯益又引國
朝會要云嘉祐六年二月一日國子監言草澤章友
直篆石經畢詔補將作主簿友直自以不願仕進免
官乃賜銀百兩益其人辭榮守約不以藝自銜故得
其所篆於此額尤爲可尙篆額例與撰書人並列友
直獨自居於後當以草澤自安也

安陽縣志

按此乃韓魏公琦之父碑也撰者富弼字彥國河
南人宋史宰輔表嘉祐八年四月英宗卽位五月

金石錄卷一百三十五
三
戊午授弼樞密使檢校太師行禮部尚書同平章
事與碑系銜合傳則但言召爲樞密使餘官及河
南郡公俱不載書者王珪傳載字禹玉成都華陽
人後徙舒累官知制誥知審官院爲翰林學士知
開封府遭母憂除喪復爲學士兼侍讀學士碑所
系尚書吏部郎中充史館修撰不見于傳碑立于
嘉祐八年十一月韓琦以英宗嗣位爲仁宗山陵
使加門下侍郎封衛國公其時尚是嘉祐八年碑
文首云丞相衛國公使以書來告云云是也若進
封魏國公在治平元年五月皇太后還政之後拜

右僕射之時此碑標題不知何以云魏國公也文
中與國華本傳校略有不同者升祕書省著作郎
傳作著作佐郎出爲京東轉運副使傳無副字天
子封泰山擢爲諫議大夫傳作右諫議大夫六男
球瑄琚琬璩琦而傳不錄球瑄傳云改兵部員外
屯田郎中京東轉運使碑不載員外郎中兩官又
碑云拜峽路轉運使傳則誤作川陝路官蓋陝峽
二字易訛傳云加都官郎中入判大理寺碑不載
都官郎中此皆碑傳互異者也碑所載使高麗事
在雍熙三年語與高麗傳合而韓光趙抗領兵度

浪江等事則高麗傳略焉契丹蕭寧即雄州約和
事國華本傳在淳化二年而劉福傳不載信之以
聞之事餘俱碑傳大同碑載公之四代祖又賓以
下及公之考構歷世事蹟詳見魏公安陽集自撰
重修五代祖塋域記大致與此同不具錄据碑國
華以大中祥符四年卒慶歷五年葬至是嘉祐八
年立碑蓋卒後三十四年而後葬葬後十八年而
後立碑宋時風尚如此若唐人無是事也



金石萃編卷一百三十五終

大德丙子

